

四庫全書

史部

欽定四庫全書

禮部志稿卷二十九

明 俞汝楫 編

祠祭司職掌

羣祀

歷代帝王

洪武元年命以太牢祭三皇 二年遣官致祭以勾芒
祝融風后力牧配 六年始建帝王廟于京師以祀三

皇五帝三王及漢唐宋創業之君每歲春秋致祭後以周文王終服事殷唐高祖本太宗力勿設主止各祀于其陵廟而增隋文帝七年春塑帝王衮冕坐像惟羲農不衮冕是秋上親臨祭焉廟同堂異室中一室祀三皇東一室五帝西一室三王又東一室漢高祖光武隋文帝又西一室唐太宗宋太祖元世祖凡五室十七帝二十一年始定歷代名臣終始全節者三十七人從祀兩廡列為四壇宋趙普以負太祖不忠不得預元祀

穆呼哩罷安圖祀巴延罷阿珠而太公望以從祀罷其
故廟及武成王號是年帝王廟火改建于雞鳴山之陽
罷隋文帝而遷唐太宗與漢高光同室凡十六帝又定
以每歲春附祭歷代帝王于郊壇秋祭于本廟每三年
傳制遣道士齋香帛令有司祭于各陵寢凡祭于陵寢
之歲則停廟祭

嘉靖九年釐正祀典罷郊壇帝王附祭十年春為位
于文華殿祭之十一年春仍祭于文華殿夏始建廟

于都城之西亦為五室位次如舊是秋上親臨祭嗣後歲以春秋仲月太常寺先期奏請遣大臣一員行禮四員分獻凡祭于陵寢之歲則停秋祭二十四年罷元世祖及其臣五人復遷唐太宗與宋太祖同室凡十五帝從祀名臣三十二人

洪武二十六年定遣祭儀一齋戒前一日太常官宿于本寺次日具本奏致齋二日傳制遣官行禮一傳制儀見儀制司一省牲牛五羊五豕六鹿一兔八凡

正祭前一日獻官承制畢詣本壇省牲 一陳設五室

十六位

今十五位

每室犢一羊一豕一每位登一鉶二籩豆

各十簋簋各二帛一白色禮神制帛共設酒尊三爵四

十八

今四十五

筐一于中室東南西向祝文案一于西 東

廡第一壇風后皋陶龍伯益傳說召公奭召穆公虎張

良曹參羊一豕一鉶九籩豆各四簋簋各一帛九白色

禮神制帛酒盞二十七饌盤一筐一 第二壇周勃馮

異房玄齡李靖李晟潘美岳飛穆呼哩博勒呼巴延

今熊

等三人

羊一豕一鉶十

今七

籩豆各四簋簋各一帛十

今七

酒盞三十

今十二

饌盤一篚一

西廡第一壇力牧夔伯

夷伊尹周公旦太公望方叔蕭何陳平陳設與東廡第

一壇同

第二壇鄧禹諸葛亮杜如晦郭子儀曹彬韓

世忠張浚博爾濟齊拉袞

今點博爾濟等二人

陳設與東廡第二

壇同

一正祭典儀唱樂舞生就位執事官各司其事

贊引引獻官至盥洗所贊搢笏出笏引至拜位贊就位

典儀唱迎神協律郎舉麾奏樂樂止贊四拜

陪祭官同

典儀

唱奠帛行初獻禮奏樂執事官各捧帛爵進于神位前
贊引贊詣三皇神位前搢笏執事官以帛進于獻官奠
訖執事官以爵進于獻官贊獻爵凡出笏詣五帝神位

前儀同前爵五詣三皇神位前爵三詣漢高祖光武唐

太宗皇帝神位前爵三

今遷唐太宗于西室爵用二改稱詣漢高祖光武皇帝神位前

詣宋太祖元世祖神位前爵二

今黜元世祖而遷唐太宗爵仍二改稱詣唐太

宗宋太祖皇帝神位前

出笏詣讀祝所跪讀祝讀祝官取祝跪于

獻官左讀畢進于神位前贊俯伏興平身復位樂止典

儀唱行亞獻禮奏樂執事官各以爵獻于神位前樂止

典儀唱行終獻禮

儀同亞獻

典儀唱飲福受胙贊詣飲福位

跪搢笏執事官以爵進飲福酒執事官以胙進受胙出

笏俯伏興平身復位贊兩拜典儀唱徹饌奏樂執事官

各于神位前徹饌樂止典儀唱送神奏樂贊四拜平身

樂止典儀唱讀祝官捧祝掌祭官捧帛饌各詣燎位樂

止贊禮畢 一祝文維洪武某年歲次某月某朔某日

皇帝謹遣具官某致祭于太昊伏羲氏炎帝神農氏黃

帝軒轅氏帝金天氏帝高陽氏帝高辛氏帝陶唐氏帝
有虞氏夏禹王商湯王周武王漢高祖皇帝漢光武皇
帝唐太宗皇帝宋太祖皇帝元世祖皇帝曰昔者奉天
明命相繼為君代天理物撫育黔黎彝倫攸敘井井繩
繩至今承之生民多福思不忘而報特祀以春秋惟帝
兮英靈來歆來格尚饗 一樂章 迎神仰瞻兮聖容
想鸞輿兮景從降雲衢兮後先來俯鑒兮微衷荷聖臨
兮蒼生有崇瞻諸帝兮是臨予頓首兮幸蒙 奠帛秉

微誠兮動聖躬來列坐兮殿庭予今願兮效勤捧禮帛
兮列酒尊鑒予情兮欣幸方旋駕兮雲程 初獻酒行
兮爵盈喜氣兮雍雍重荷蒙兮再瞻再崇羣臣忻兮躍
從願覩穆穆兮聖容 亞獻酒斟兮禮明諸帝熙和兮
悅情百職奔走兮滿庭陳籩豆兮數重亞獻兮願成
終獻獻酒兮至終早整雲鸞兮將還宮予心眷戀兮神
聖欲攀留兮無踪躡雲衢兮緩行得遥瞻兮達九重
徹饌納餽餼兮領陳烝民樂兮幸生將何以兮崇報維

歲時兮載瞻載寧

送神旂幢繚繞兮導來蹤鸞輿冉

冉兮歸天宮五雲擁兮祥風從民歌聖祐兮樂年豐

望燎神機不測兮造化工珍饈禮帛兮薦火中望瘞庭
兮稽首願神鑒兮寸衷

嘉靖十一年定親祭儀先期太常寺預設牲醴香帛樂
舞等如儀錦衣衛設隨朝駕設上拜位于殿中設御幄
于景德門外之左是日早免朝上服常服御奉天門太
常寺卿跪奏請皇上詣帝王廟祭歷代帝王王乘輿由長

安右門出至廟門由中門入至幄次降輿具祭服出導
引官導上由中門中導至拜位典儀唱樂舞生就位執
事官各司其事內贊奏就位上就拜位典儀唱迎神樂
作樂止內贊奏拈主奏上香上三上香訖奏出主復位

內贊奏兩拜興平身

傳贊陪
祀官同

典儀唱奠帛行初獻禮樂

作內贊奏詣神位前執事官各捧帛爵跪進于各神位

前樂暫止內贊贊讀祝奏跪

傳贊陪
祀官同

讀祝官取祝讀訖

樂作內贊奏俯伏興平身

傳贊陪
祀官同

樂止典儀唱行亞獻

禮樂作

儀同初獻惟不讀祝

樂止典儀唱行終獻禮

儀同亞獻

樂止太

常寺卿進立于壇東西向唱答福胙內贊奏詣飲福位

奏搢圭奏跪光祿寺卿以福酒跪進于上右內贊奏飲

福酒上飲訖光祿寺卿以福胙跪進于上右內贊奏受

胙上受訖奏出圭俯伏興平身奏復位內贊奏兩拜興

平身

傳贊陪祭官同

典儀唱徹饌樂作執事官于各神位前徹

饌訖樂止典儀唱送神樂作內贊奏兩拜興平身

傳贊陪祭

同樂止典儀唱讀祝官捧祝進帛官捧帛掌祭官捧饌

各詣燎位樂作內贊奏禮畢樂止導引官導上入御幄

易祭服陞輦還宮

樂章

仍舊

嘉靖中更定遣官祝文

儀仍舊祝文某年月日遣官各帝稱號俱同但去元世祖

曰

仰惟諸帝昔皆奉天撫世創治安民皇祖景慕不忘春

秋致祭著在令甲茲朕特建殿宇恭修恒祀時仲

春秋謹

遣輔臣以牲帛庶品用享列聖予惟沖昧敬體皇祖追

報之虔惟諸帝鑒臨來格于斯庶副予誠之至尚饗

分獻官儀注 典儀唱分獻官陪祭官各就位候行初

獻奠帛禮畢唱分獻官行禮贊引引詣東西廡神位前
贊跪贊搢笏上香獻帛爵出笏殿內贊跪分獻官跪各
神位前俟讀祝畢俯伏興平身復位亞終獻禮
儀同初獻餘
隨遣官行

先聖先師

嘉靖九年初祀伏羲神農黃帝堯舜禹湯文武周公孔
子凡十一位于文華殿東間位各有主主各有龕伏羲至
武王南向周公西向孔子東向歲以仲春秋開講前一

日上親致祭每月朔望具酒果上服黃袍行禮間遣輔臣及大臣代拜十六年移祀于永明後殿行禮如初其後常遣官代行隆慶初罷仍于文華殿東室行禮 一前期一日太常寺博士捧祝版于文華殿上填御名訖捧出 一正祭日早太常寺進籩豆祝帛陳設畢候上至行禮 一陳設皇師伏羲氏聖位皇師神農氏聖位皇師軒轅氏聖位帝師陶唐氏聖位帝師有虞氏聖位王師夏禹王聖位王師商湯王聖位王師周文王聖位王

師周武王聖位每位鉶一籩豆各二禮神制帛一白色
先聖周公之位先師孔子之位每位鉶一籩豆二帛一
一正祭是日上具皮弁服由文華殿出內贊對引官
導上至拜位奏就位上就御拜位內贊導上至伏羲氏
前奏搢圭奏上香訖詣各神位前俱奏上香訖奏出圭
奏復位上復位奏再拜訖讀祝官啓祝跪內贊奏跪上
跪贊讀祝訖奏俯伏興平身讀祝官安祝退奏再拜訖
贊焚祝帛上退拜位之東立捧祝帛官出門奏禮畢內

贊對引導上出還宮 一祝文維某年歲次某月某日

皇帝某謹告于先聖諸師暨周公孔子曰予維後學之

資必賴先聖遺集以為進修茲于明日

春秋

開講學伏惟

默運神機覺我後學俾誠正之功不替庶治平之至可
臻而聖道永有霑民之惠矣特用奠告惟聖師鑒焉謹
告

先師孔子

釋菜啓
聖祠附

國初詔正諸神封號惟孔子封爵特仍其舊每歲二丁

傳制遣官祭于國學每月朔望遣內臣降香朔日則祭
酒行釋菜禮洪武四年令進士釋褐詣國學行釋菜禮
十五年始詔天下儒學通祀孔子頒釋奠儀二十六年
頒大成樂器于天下府學令州縣如式製造二十九年
黜揚雄從祀進漢董仲舒後遇登極皆遣官祭告闕里
又駕幸太學行釋菜禮永樂八年正文朝聖賢繪塑
衣冠令合古制十九年北京國子監既定其南監春秋
命祭酒行禮稱皇帝謹遣正統元年刊定從祀名爵

位次頒行天下二年以宋胡安國蔡沈真德秀從祀三年
禁祀孔子釋老宮八年追封元吳澄為臨川郡公從祀
成化二年封董仲舒為廣川伯胡安國建寧伯蔡
沈崇安伯真德秀浦城伯弘治九年封宋楊時為將
樂伯從祀嘉靖九年釐正祀典始為木主題曰至聖
先師孔子神位改大成殿為先師廟殿門為廟門四配
稱復聖顏子宗聖曾子述聖子思亞聖孟子之位十哲
以下及門弟子皆稱先賢某子之位左丘明以下稱先

儒某子之位申黨即申張祀止存張公伯寮秦冉顏何
荀況戴聖劉向賈逵馬融何休王肅王弼杜預吳澄十
三人俱罷祀林放蘧伯玉鄭衆盧植鄭玄服虔范甯七
人各祀于其鄉后蒼王通歐陽修胡瑗陸九淵增入從
祀凡籩豆樂舞之數皆更定焉其內臣降香亦罷隆
慶五年以本朝薛瑄從祀萬厯十二年以本朝王守
仁陳獻章胡居仁從祀

洪武二十六年釋奠儀一齋戒與祀帝王同一傳

制儀見儀制司

一省牲牛一

二今山羊五

羊今北

豕九

十今

四鹿一免五

一今

一陳設

正壇犢一羊一豕一登一

鉶二籩豆各十簋簋各二帛一白色禮神制帛共設酒

尊三爵三篚一于壇東南西向祝文案一于壇西四

配位每位羊一豕一登一

去今

鉶二籩豆各十

今

簋簋各

一

今

爵三帛一篚一

十哲位

東五壇豕一分五帛

一篚一爵三每位鉶一籩豆各四簋簋各一酒盞一

西五壇陳設同

東廡五十三位共十三壇

今四十七位分十六

壇
共豕一今三帛一篚一爵一每壇籩豆各四簋簠各一

酒盞四 西廡五十二位共十三壇今四十八位陳設

同 一正祭典儀唱樂舞生就位執事官各司其事分

獻官陪祭官各就位贊引引獻官至盥洗所贊詣盥洗

位搢笏出笏引至拜位贊就位典儀唱迎神奏樂樂止

贊四拜通贊陪祀官同典儀唱行初獻禮奏樂執事官捧帛爵

詣各神位前贊引導遣官贊詣大成至聖文宣王今稱至聖

先師孔子神位前贊搢笏贊獻帛執事以帛進奠訖執事以

爵進贊引贊獻爵出笏贊詣讀祝位樂暫止跪

傳贊衆官皆跪

贊讀祝讀祝官取祝跪于獻官左讀訖贊俯伏興平身

贊詣充國復聖公

今稱復聖顏子

神位前搢笏獻爵出笏詣廊

國宗聖公

今稱宗聖曾子

神位前沂國述聖公

今稱述聖子思子

神位

前鄒國亞聖公

今稱亞聖孟子

神位前儀並同前贊復位樂止

典儀唱行亞獻禮奏樂執事以爵獻于神位前樂止典

儀唱行終獻禮奏樂

儀同亞獻

樂止典儀唱飲福受胙贊詣

飲福位跪搢笏執事以爵進贊飲福酒執事以胙進贊

受胙出笏俯伏興平身復位贊兩拜

傳贊陪祀官同

典儀唱徹

饌奏樂執事各詣神位前徹饌樂止典樂唱送神奏樂

贊引贊四拜

傳贊陪祀官同

典儀唱讀祝官捧祝掌祭官捧帛

饌各詣瘞位典儀唱望瘞奏樂贊引贊詣望燎位樂止

贊禮畢

一祝文維洪武某年歲次某月某朔某日皇

帝遣具官某致祭于大成至聖文宣王

先師及四配改定今稱并如前

註

惟王

今日惟師

德配天地道冠古今刪述六經垂憲萬世

謹以牲帛醴粢盛庶品祇奉舊章式陳明薦以充國復

聖公郕國宗聖公沂國述聖公鄒國亞聖公配尚饗

一分獻官儀注

分獻以翰林院修撰等官二員國子監博士等官二員

典儀唱分

獻官陪祭官各就位三拜復位候讀祝訖唱分獻官行

禮贊引贊詣盥洗所贊搢笏贊出笏贊陞壇贊詣神位

前贊搢笏執事以帛進于分獻官奠訖執事以爵進于

分獻官獻訖贊出笏贊復位亞終獻同至典儀唱望瘞

各詣瘞位 一樂章

迎神大哉宣聖

今稱孔聖

道德尊崇

維持王化斯民是宗典祀有常精純益隆神其來格於

昭聖容

奠帛自生民來誰底其盛維王

今日維師

神明度

越前聖染帛具成禮容斯稱黍稷非馨惟神之聰初

獻大哉聖王

今日聖師

實天生德作樂以崇時祀無斁清酤

惟馨嘉牲孔碩薦修神明庶幾昭格

亞獻終獻百王

宗師生民物軌瞻之洋洋神其寧止酌彼金罍惟清且

旨登獻成王於嘻成禮

徹饌犧象在前豆籩在列以

享以薦既芬且潔禮成樂備人和神悅祭則受福率遵

無越送神有嚴學宮四方來宗恪恭祀事威儀雍雍

歆格惟馨神馭還復明裡斯畢咸膺百福

今定配哲從祀牌位

四配復聖顏子

舊封兗國復聖公

宗聖

曾子

舊封郈國宗聖公

述聖子思子

舊封沂國述聖公

亞聖孟子

舊封鄒國

亞聖公

十哲先賢閔子

名損舊封費公

先賢冉子

名雍舊封薛公

先賢

端木子

名賜舊封黎公

先賢仲子

名由舊封衛公

先賢卜子

名商舊封魏公

先

賢冉子

名耕舊封鄆公

先賢宰子

名予舊封齊公

先賢冉子

名求舊封徐公

先

賢言子

名偃舊封吳公

先賢顓孫子

名師舊封陳公

東廡先賢澹臺

滅明

舊封金鄉侯

先賢原憲

舊封任城侯

先賢南宮适

舊封汝陽侯

先

賢商瞿

舊封須昌侯

先賢漆雕開

舊封平興侯

先賢司馬耕

舊封睢陽

侯

先賢有若

舊封平陰侯

先賢巫馬施

舊封東阿侯

先賢顏辛

舊封

侯陽穀

先賢曹卣

舊封上蔡侯

先賢公孫龍

舊封枝江侯

先賢秦商

侯舊封馮翊

先賢顏高

舊封雷澤侯

先賢壤駟赤

舊封上邳侯

先賢石

作蜀

舊封成紀侯

先賢公夏首

舊封鉅平侯

先賢后處

舊封膠東侯

先

賢奚容蒧

舊封濟陽侯

先賢顏祖

舊封富陽侯

先賢句井疆

舊封滏陽

侯

先賢秦祖

舊封裡城侯

先賢縣成

舊封武城侯

先賢公祖句茲

侯舊封即墨

先賢燕伋

舊封沂源侯

先賢樂欬

舊封建城侯

先賢狄黑

舊封林
先賢孔忠

舊封
城侯

先賢公西蒧

舊封徐
城侯

先賢顏

先賢秦非

舊封華
亭侯

子僕

舊封宛
句侯

先賢施之常

舊封臨
濮侯

先賢秦非

舊封華
亭侯

先

賢申振

舊封文
登侯

先賢顏澮

舊封濟
陰侯

先儒穀梁赤

舊封睢
陽侯

先儒高堂生

舊封萊
燕伯

先儒毛萇

舊封樂
壽伯

先儒后蒼

先

儒杜子春

舊封緱
氏伯

先儒韓愈

舊封昌
黎伯

先儒程顥

舊封豫
國公

先儒邵雍

舊封新
安伯

先儒司馬光

舊封溫
國公

先儒胡安國

舊封

建寧伯

先儒楊時

舊封將
樂伯

先儒張栻

舊封華
陽伯

先儒陸九淵

先儒許衡

舊封魏
國公

舊有堂邑侯顏何蘭陵伯荀況

彭城伯劉向司空王肅司徒杜預今黜 中牟伯鄭衆

良鄉伯盧植滎陽伯服虔今改祀于鄉 萊蕪侯曾點

泗水侯孔鯉改入啓聖祠從祀 西廡先賢宓不齊舊封

單父侯先賢公冶長舊封高密侯先賢公皙哀舊封北海侯先賢高

柴舊封共城侯先賢樊須舊封益都侯先賢公西赤舊封鉅野侯先賢

梁鱣舊封千乘侯先賢冉孺舊封臨沂侯先賢伯虔舊封沐陽侯先賢

冉季舊封諸城侯先賢漆雕徒父舊封高宛侯先賢漆雕哆舊封濮陽

侯先賢商澤舊封鄒平侯先賢任不齊舊封當陽侯先賢公良孺

舊封牟平侯

先賢公肩定

舊封梁父侯

先賢鄆單

舊封聊城侯

先賢罕

父黑舊封祈鄉侯

先賢榮旂

舊封厭次侯

先賢左人郢

舊封南華侯

先

賢鄭國

舊封胸山侯

先賢原亢

舊封樂平侯

先賢廉潔

舊封胙城侯

先

賢叔仲會

舊封博平侯

先賢公西與如

舊封臨胸侯

先賢却異

舊封

高唐侯

先賢陳亢

舊封南頓侯

先賢琴張

舊封陽平侯

先賢步叔乘

舊封博昌侯

先儒左丘明

舊封中都伯

先儒公羊高

舊封臨淄侯

先儒

伏勝

舊封乘氏伯

先儒孔安國

舊封曲阜伯

先儒董仲舒

舊封廣川伯

先儒王通

先儒周敦頤

舊封道國公

先儒歐陽修

先儒

張載

舊封
郿伯

先儒程頤

舊封洛
國公

先儒胡瑗

先儒朱熹

舊封

徽國公

先儒呂祖謙

舊封開
封伯

先儒蔡沈

舊封崇
安伯

先儒真德

秀

舊封浦
城伯

先儒薛瑄

先儒王守仁

先儒陳獻章

先儒胡居仁

舊有壽張侯公伯寮新息侯秦冉考城

伯戴聖岐陽伯賈逵扶風伯馬融任城伯何休偃師伯

王弼今黜

內黃侯蘧伯玉長山侯林放高密侯鄭玄

新野伯范甯臨川郡公吳澄

今改祀
于鄉

曲阜侯顏無繇

改入啓聖祠從祀淄川侯申黨即申棖今革存棖

凡祭期

洪武元年定以春秋上丁日降香遣官祭孔子于國學
七年仲春上丁日食改用次丁 成化二十二年二
月朔當釋菜值上丁令以次日釋菜

凡祭器禮物樂舞

洪武四年更定各置高案籩豆簠簋登鉶悉用麓器牲
用熟樂舞生擇監生及文武大臣子弟在學者預教習
之

今用太常
樂舞生

正統三年令祭丁品物非其土產者鹿

以羊代榛栗以所產果品代 景泰六年奏准以兩廡
祭品儉薄增豕四隻棗栗各五十斤黍稷各一斗形鹽
五十斤南京國子監一體增設 成化十二年增樂舞
為八佾籩豆各十二 嘉靖九年令南京國子監祭用十籩十
豆天下府州縣八籩八豆樂舞俱止六佾 凡六品以
下官不陪祭者先期一日赴廟瞻拜

月朔釋菜儀

其日清晨執事者各司其事分獻官各官分列于大成

門內監生排班俟獻官至通贊唱排班獻官以下各就位通贊唱班齊鞠躬拜興拜興平身引贊詣獻官前唱詣盥洗所獻官盥手悅手訖引贊唱詣酒尊所司尊者舉冪酌酒訖引贊唱詣至聖先師孔子神位前跪獻爵俯伏興平身執事者

行事並同

引贊唱詣復聖顏子神位前

宗聖曾子神位前述聖子思子神位前亞聖孟子神位

前

儀並同

十哲兩廡分獻官一同行禮畢引贊同唱復位

引贊導獻官分獻官至原拜位立通贊唱鞠躬拜興拜

興平身禮畢

啓聖祠祭儀

嘉靖九年令兩京國子監并天下學校各建啓聖公祠
中祀叔梁紇題稱啓聖公孔子之位以顏無繇曾點孔
鯉孟孫氏配俱稱先賢某氏之位程珦朱松蔡元定從
祀俱稱先儒某氏之位每歲仲春秋上丁日遣國子監
祭酒行禮南監司業行禮 一陳設正位羊一豕一邊
豆各八簋簋各二鉶二爵三帛一篚一 東配豕一爵

三帛一篚一位簠簋各一籩豆各四 西配 同 東

西從祀同 一正祭是日三更引贊導遣官至盥洗所

搢笏出笏典儀唱執事官各司其事遣官就位迎神四

拜

兩廡分
獻官同

典儀唱奠帛行初獻禮遣官由廟左門入贊

詣啓聖公孔氏神位前搢笏獻爵出笏詣讀祝位跪讀

訖俯伏興平身

兩廡分
獻官同

贊詣先賢顏氏神位前獻帛獻

爵詣先賢曾氏先賢孔氏先賢孟孫氏各神位前

儀並
同前

兩廡分
獻官同

獻帛爵訖復位典儀唱行亞獻行終獻禮

儀同
初獻

典儀唱徹饌訖唱送神四拜

兩廡分獻官同

典儀唱讀祝官捧

祝掌祭官捧帛饌各詣瘞位唱望瘞捧祝帛饌官至瘞所贊引贊詣望瘞位贊禮畢一祝文維某年某月某

日皇帝謹遣具官某致祭于啓聖公孔氏曰惟公誕生

至聖為萬世王者之師功德顯著茲因仲

春秋

特用遣祭

以先賢顏氏曾氏孔氏孟孫氏配尚享

先農

洪武二年始建先農壇于山川壇西南列為大祀每歲

親祭遂耕耤田以後稷氏配已又奉仁祖配後改中祀止
遣應天府官致祭不設配位祭畢猶親耕耤田永樂定
都建壇如南京遣順天府官致祭自後遇登極初行耕
耤田禮則親祭每歲以仲春上戊日遣官致祭嘉靖十
六年諭凡親耕則戶部尚書先祭先農上至止行三推
禮萬厯四年改鑄神祇壇祠祭署印仍掌行耕耤事務
洪武二十六年定 一齋戒三日 一省牲牛一羊一
豕一鹿一兔一 一陳設先農之神南向犢一羊一豕

一登一鉶二籩豆各十簋簋各二帛一青色禮神制帛
設酒尊三爵三篚一于壇南西向祝文案一于壇西

一正祭典儀唱樂舞生就位執事官各司其事贊引引

獻官至盥洗所搢笏出笏贊就位典儀唱瘞毛血迎神

奏樂樂止贊四拜

陪祭官同

典儀唱奠帛行初獻禮樂作贊詣

神位前獻帛獻爵訖詣讀祝位跪讀畢贊俯伏興平身

復位樂止行亞獻禮樂作樂止行終獻禮

儀同

典儀唱飲

福受酢訖俯伏興平身復位贊兩拜徹饌奏樂執事于

神位前徹饌樂止唱送神奏樂贊四拜樂止典儀唱捧
祝帛饌各詣瘞位禮畢 一祝文維洪武某年歲次某
甲子月某日皇帝謹遣具官某致祭于先農之神惟神
初興農事乃種嘉穀為民立命萬世永賴今將東作親
耕藉田謹以牲醴庶品用修常祀尚享 一樂章 迎
神東風啓蟄地脉奮然蒼龍掛角煜煜天田民命惟食
創物有光圜鐘既奏有降斯筵 奠帛帝出乎震天發
農祥神降于庭藹藹洋洋禮神有帛其色惟蒼豈伊具

物誠敬之將 初獻九穀未分庶草攸同表為嘉種實
在先農黍稷斯豐酒醴是共獻奠之初以蕝感通 亞
獻俶彼甫田其隰其原耒耜云載駟御之間報本思享亞獻
惟虔神共歆之自古有年 終獻帝藉之典享祀是資
潔豐嘉粟咸仰于斯時維親耕享我農師禮成于三以
訖陳詞 徹饌於赫先農歆此潔修于篚于爵于饌于
羞禮成告徹神惠敢留餼及終畝豐年是求 送神神
無不在於昭于天曰迎曰送于享之筵冠裳在列金石

在懸往無不之其佩翩翩望瘞祝帛牲醴先農既歆
不留不褻瘞之厚深有幽其瘞有赫其臨曰禮之常匪
今斯今

嘉靖九年更定一祭品每親祭加和羹胙牛各一隻豚
胾豕一口餘如舊例一祭儀前三日太常寺奏致齋
如常祀儀上先期致告于廟至日上詣壇所具服殿具
皮弁服典儀唱樂舞生就位執事官各司其事內贊導
引官導上至拜位內贊奏就位典儀唱瘞毛血迎神樂

作樂止內贊奏四拜

傳贊百官同

典儀唱奠帛行初獻禮樂

作執事官捧帛爵跪奠于神位前訖內贊奏跪

傳贊百官同

樂暫止內贊唱讀祝讀祝官跪于神位前右讀訖樂作

贊俯伏興平身

傳贊百官同

樂止典儀唱行亞獻禮樂作執

事官捧爵跪奠于神位前訖樂止典儀唱行終獻禮樂

作執事官捧爵跪奠于神位前訖樂止太常寺官進立

壇東西向唱答福胙內贊奏跪奏搢圭光祿寺官以福

酒跪進于上右內贊奏飲福酒上飲訖光祿寺官以胙

跪進于上右內贊奏受胙上受訖奏出圭俯伏興平身

奏二拜

傳贊百官同

典儀唱徹饌樂作執事官詣神位前徹

饌訖樂止典儀唱送神樂作內贊奏四拜

傳贊百官同

樂止典

儀唱讀祝官捧祝掌祭官捧帛饌各詣瘞位樂作禮畢

樂止上還具服殿更翼善冠黃袍行耕藉田禮 一祝

文維嘉靖某年某月某日嗣天子某致祭于先農之神

曰惟神肇興農事始種嘉穀立斯民命萬世永賴茲當

東作之期親耕藉田惟賴神慈默思化理俾年穀豐茂

率土皆同謹以牲帛醴齊之儀用申祭告之誠尚享一

樂章

仍舊

先蠶

後罷

嘉靖九年初建先蠶壇于北郊歲春擇日皇后躬祀先蠶行親蠶禮十年改築壇于內廷致祭行親蠶禮一

齋戒前期三日尚儀奏致齋三日內執事并司贊六尚等女官及應入壇者各齋二日一省牲羊二豕一鹿一兔一一陳設先蠶氏之神羊二豕一登一籩豆各

六簋簋各二帛一篚一酒尊三爵三酒盞三十祝案一
一正祭先一日蠶官令陳樂女生位于壇南設皇后拜
位于壇下北向次公主次內命婦次外命婦拜位俱異
位重行北向設內贊位于壇南設司贊位于皇后拜位
之東西設司賓位于外命婦班之北東西相向皇后至
壇所入具服殿少憩司賓先引外命婦列于先蠶壇下
東西相向以北為上尚儀詣皇后前奏請皇后易服出
殿門將至壇內贊唱樂女生就位執事官各司其事導

引女官導皇后至拜位司贊奏就位次公主次內命婦

又次外命婦各就拜位內贊唱瘞毛血迎神樂作樂止

司贊奏四拜

公主以下同

內贊唱奠帛行初獻禮樂作執事

官捧帛爵跪于神位前各奠訖樂暫止內贊唱讀祝司

贊奏跪皇后跪

公主以下同

讀祝女官跪于神位前右讀訖

樂作司贊奏興皇后興

公主以下同

樂止內贊唱行亞獻禮

樂作執事官捧爵跪奠于神位前訖樂止內贊唱行終

獻禮

儀同亞獻

執事女官進立于壇東西向唱賜福胙司贊

奏跪皇后跪執事女官以福酒跪進于皇后右奏飲福

酒皇后飲訖執事女官以胙跪進于皇后右奏受胙皇

后受訖司贊奏興皇后興司贊奏二拜

公主以下同

內贊唱

徹饌樂作執事女官詣神位前徹饌訖樂止內贊唱送

神樂作司贊奏四拜

公主以下同

樂止內贊唱讀祝官捧祝

執事官捧帛饌各詣瘞位樂作樂止司贊唱禮畢皇后

還具服殿更常衣行親蠶禮

一祝文維某年某月某

日皇后致祭于先蠶氏之神曰惟神肇興蠶織衣我烝

民萬民永賴時維季春躬行採桑禮仰冀默垂庇佑相
茲蠶事率土大同惟神之休敬以牲帛醴齊之儀用申
祭告尚享如遇令官則去躬行採桑禮一句更云用修
常典又改用申為謹用 一樂章 迎神貞和之曲於
穆惟神肇啓蠶桑衣我萬民保我家邦茲舉曠儀春日
載陽恭迎霞馭靈氣洋洋 奠帛壽和之曲 初獻 神其
臨只有苾有芬乃獻玉盥乃奠文繡仰祈昭鑒淑氣氤
氲顧茲蠶婦祁祁如雲 亞獻順和之曲載舉清觴蠶

祀孔明以格以饗鼓瑟吹笙陰教用乾坤儀允貞神之
聽之鑒此裡誠終獻寧和之曲神之格思桑土是宜
三繅七就惟此繭絲獻禮有終神不我遺錫我純服藻
繪皇儀徹饌安和之曲俎豆具徹式禮莫愆既匡既
勅我祀孔虔我思古人葛覃惟賢明靈歆只永顧桑阡
送神恒和之曲望瘞同神之升矣日霽霞蒸相此女紅
抒軸其興茲返玄宮鸞鳳翔騰瞻望弗及永錫嘉徵
凡太常寺執事人役先一日入壇具祝版祭品香帛本

日晚送交蠶宮令轉送執事女官其厨役等項不許以鋪排名色擅入壇內祭畢蠶宮令祭品交還太常寺凡樂女生奏樂止用歌不用舞凡陪祀文官四品以上武官三品以上命婦各造給陪祀牌一面牌式較陪祀官減三之一

先醫

嘉靖十五年建聖濟殿于文華殿後以祀先醫歲用羊一豕一鉶二簋簋各二籩豆各八帛一遣太醫院正官

行禮 二十一年又建景惠殿于太醫院上祀三皇配
以勾芒祝融風后力牧而附歷代醫師於兩廡凡二十
八人歲遣禮部堂上官一員行禮太醫院堂上官二員
分獻二殿之祭並以春冬仲月上甲日 一陳設殿中
正壇犢一羊一豕一登一鉶二籩豆各十簋簋各二爵
三酒尊一帛一篚一祝案一 東配位一壇羊一豕一
鉶一籩豆各十簋簋各一爵六帛一篚一 西配位一
壇陳設同東廡醫師十四位儗大季天師岐伯伯高鬼

史區俞跗少俞少師桐君太乙雷公馬師皇伊尹神應
王扁鵲倉公淳于意張機陳設分為三壇每壇豕一籩
豆各六簋簋各一酒盞五爵三帛一筐一西廡醫師
十四位華陀王叔和皇甫謐抱朴子葛洪巢元方真人
孫思邈藥王常慈藏啓玄子王冰錢乙朱肱李杲劉元
素張元素朱彥修陳設同一正祭贊引對引導遣官
至咸濟門贊詣盥洗所贊搢笏洗訖贊出笏典儀唱執
事官各司其事贊引贊就位典儀唱迎神贊四拜贊引

贊陞壇導遣官至中香案前贊跪贊搯笏贊上香贊引
引至東香案前贊跪上香訖引至西香案前贊跪上香
訖贊出笏贊復位太醫院堂上官于兩配位香案前上
香訖典儀唱奠帛行初獻禮贊引贊陞壇引至神位前
贊搯笏贊獻帛贊三獻爵獻訖贊出笏贊詣讀祝位贊
跪贊讀祝讀訖贊俯伏興平身贊復位兩配位執事自
獻兩廡儀同正殿典儀唱亞獻禮終獻禮儀亦同初獻惟不獻帛不讀祝典儀
唱徹饌執事徹訖典儀唱送神贊引贊四拜典儀唱讀

祝官捧祝掌祭官捧帛饌各詣燎位贊引贊禮畢一
祝文維某年某月某日皇帝遣官某致祭于太昊伏羲
氏炎帝神農氏黃帝軒轅氏曰仰惟聖神繼天立極開
物成務壽世福民尤重于醫所以贊帝生德立法配品
惠我天民功其博矣時維仲春特修常祀尚冀默施冥
化大著神功深資妙劑保和朕躬期于一世之生民咸
蠲疾疢躋于仁壽之域以永上帝之恩不亦丕顯歟以
勾芒氏之神祝融氏之神風后力牧氏之神配尚享

禮部志稿卷二十九

欽定四庫全書

史部

禮部志稿卷

三十二

詳校官監察御史_臣龔駿文

編修_臣程嘉謨覆勘

總校官知縣_臣楊懋珩

校對官中書_臣高中

謄錄監生_臣鰲圖

欽定四庫全書

禮部志稿卷三十

明 俞汝楫 編

祠祭司職掌

旗纛

洪武元年詔定親征遣將諸禮儀以為古者天子親征則類于上帝造于祖宜于社禡于所征之地祭所過山川若遣將出師亦告于廟社禡祭旗纛而後行

于是諸儒議上具載大明集禮中今牙旗六纛藏之內府其廟在山川壇每歲仲秋祭山川日遣官祭于旗纛廟霜降日又祭于教場至歲暮享太廟日又祭于承天門外俱旗手衛指揮行禮永樂後別有神旗之祭專祭火雷之神每月朔望神機營提督官請祭于教場今係總督京營戎政官奏請祭畢復命

禡祭

一齋戒皇帝清齋一日大將陪祭官以下皆如之一省

牲前期二日設皇帝大次于廟庭之東省牲位于南門外前一日導駕官同太常寺卿導駕詣大次皇帝服通天冠絳紗袍至省牲位廩犧令率其屬牽牲自東西行過御前省訖牽詣神厨太常卿奏請詣神厨視鼎鑊滌既訖遂烹牲駕還大次 一陳設前一日執事設神案于廟殿中之北軍牙東立燾位西設籩十有二于神位東三行西上豆十有二于神位西三行東上簠簋二于籩豆間簠東簋西鉶三登三于籩豆前俎三于登鉶前

香案于俎前爵站于香案前沙池于爵站前設酒尊所
于廟庭東幣篚位于酒尊北爵洗位于尊南御洗位于
爵洗南瘞坎于神位西北設席于坎位前上置酒并椀
五雄雞五以侑酌神設御位于廟庭之南正中北向大
將及陪祭官從後異等重行文東武西皆北向 一正
祭是日清晨建牙旗六纛于神位後旗東纛西皇帝服
武弁服導駕官同太常寺卿導皇帝自左南門入就位
贊禮唱迎神大樂作太常卿奏請詣盥洗位皇帝至盥

洗位搢圭盥悅訖出圭請詣爵洗位搢圭執爵官以爵
進受爵滌爵拭爵訖以授執爵官再進爵亦如之出圭
請詣酒尊所搢圭執爵官以爵進受爵司尊者舉冪酌
醴齊訖以授執爵官再進爵亦如之出圭請詣軍牙神
位前爵幣前行皇帝升廟壇樂作至神位前奏跪搢圭
三上香奠幣三祭酒奠爵出圭樂止讀祝官跪讀祝于
神右訖太常卿奏俯伏興樂作奏拜興拜興平身樂止
請詣六纛神位前禮同復位亞獻終獻不奠帛讀祝餘

皆如之訖贊禮唱飲福受胙太常卿奏詣飲福位奏鞫躬樂作奏拜興拜興平身樂止復位贊禮唱徹豆樂作掌祭官各徹豆樂止太常卿奏皇帝飲福受胙免拜贊禮唱陪祭官皆再拜傳贊訖贊禮唱送神太常卿奏鞫

躬樂作奏拜興拜興平身樂止

傳贊同

贊禮唱望燎讀祝

官取祝捧幣官取幣掌祭官取饌詣燎所太常卿奏詣望燎位燎舉執事殺雞刺血于酒椀中酬神燎畢太常卿奏禮畢仍同導駕官引還大次

內設爵洗位滌爵拭爵上香祭酒神前再

拜賜昨免拜
等儀後並省

祭所過山川儀

右與禡祭同但岳鎮海瀆則用太牢其次用少牢又次用特牲行速止用酒脯仍設籩豆各一籩實鹿脯豆實鹿藿贊以禮官不用太常奠帛行酌獻禮無亞獻終獻祭畢望瘞不用雞酒

仲秋祭儀

洪武二十六年
定霜降同

一齋戒二日 一省牲牛一羊一豕 一陳設神七

位南旗頭大將六纛大將五方旗神主宰戰船正神金

鼓角銃砲之神弓弩飛鎗飛石之神陣前陣後神祇五昌等

衆犢一羊一豕一登一鉶二籩豆各十簋簋各二帛七

黑二白五禮神制帛共設酒尊三爵三酒盞三十篚一

于壇東南西向祝文案一于壇西 一正祭贊引引獻

官至盥洗所盥洗教坊司奏樂典儀唱執事官各司其

事贊引贊就位典儀唱迎神樂作樂止贊引贊四拜

陪祭

官典儀唱奠帛行初獻禮奏細樂執事捧帛爵進贊引

引獻官詣神位前奠獻訖贊詣讀祝位贊跪樂止讀祝
訖奏樂贊俯伏興平身贊復位樂止典儀唱行亞獻禮
奏樂執事官捧爵贊引引獻官詣神位前獻訖樂止典
儀唱行終獻禮

儀同亞獻唱歆福
受胙以下如常儀

一祝文維某年某

月某日皇帝遣具官某致祭于旗頭大將六纛大將五
方旗神主宰戰船正神金鼓角銃砲之神弓弩飛鎗飛
砲之神陣前陣後神祇五昌等衆維神欽天命而無私
助揚威武有功國家茲當仲秋謹遵常典特以牲醴遣

官致祭神其鑒之尚享

歲暮祭儀

一陳設羊一豕一果五爵三帛一 一祝文維某年某
月某日皇帝遣具官某致祭于旗纛之神維神之靈實
壯威武適當歲暮禮宜時祀敬陳牲醴神其鑒之尚享
朔望日祭神旗儀

一陳設羊一豕一無帛 一正祭贊引引獻官就位贊
四拜贊初獻禮贊跪贊讀祝訖贊俯伏興平身贊亞獻

禮贊終獻禮贊四拜贊訖焚祝所訖贊禮畢 一祝文

維某年某月某日皇帝遣具官某致祭于天威神機火
雷無敵大將軍之神維神威勇猛厲剛勁精彊旬雷掣
電欵火奔風護國庇民厥功顯著肅靖克暴寧謐封疆
遇有征討惟神是賴驅鋒遣鏑端直竒妙萬發萬中疊
貫連穿破敵致勝如拉枯朽無堅不摧無悍不滅神其
蓄銳毓靈用之則應特以牲品致祭神其享之

五祀

舊制每歲孟春遣內官祭司戶之神于宮門外道左
南向孟夏遣內官祭司竈之神于內府大庖厨前中
道南向季夏遣司禮監官祭中霤之神于文樓前西
向孟秋遣守門內官祭司門之神于午門前西角樓
東向孟冬遣內官祭司井之神于內府大庖厨井前
南向俱羊一豕一果品五禮神制帛一歲暮合祭于
太廟丹墀之西羊五豕五果品五禮神制帛五遣太
常寺少卿行禮今改以時享太廟日祭司戶司竈司

門司井之神而祭中雷井合祭日期及各遣官儀物
並如舊

一正祭贊引引獻官詣盥洗所洗訖出笏就位贊四拜
贊行初獻禮贊詣神位前搢笏奠帛獻爵

如素祭
獻茶

出笏

復位贊跪讀祝訖俯伏興平身贊行亞獻終獻禮俱執
事者捧爵自跪獻于神位前訖贊四拜贊焚祝帛贊詣
焚祝所贊禮畢分祭祀文維某年某月某日皇帝遣
具官某致祭于司戶之神曰職司于戶謹出入之行藏

晝開暮闔衛護無私時維孟春謹以牲醴致祭神其鑒
知尚享 司竈之神曰日用飲食必資于竈爨有常所
神實司之時維孟夏謹以特醴致祭神其鑒知尚享 中
雷之神曰室之中雷神司其職居中向明照察無私時
維季夏謹以牲醴致祭神其鑒知尚享 司門之神曰
職司于門謹出入之行藏晝開暮闔衛護無私時維孟
秋謹以特醴致祭神其鑒知尚享 司井之神曰神司
茲井源泉清潔其用日新以供飲食時維孟冬謹以牲

醴致祭神其鑒知尚享 合祭祝文曰維神安養護衛
各著厥功茲當歲暮特以牲醴報祭神其鑒知尚享

京都祀典

按職掌載南京十一廟皆在雞鳴山之陽後層漢壽
亭侯又于都城增京都太倉天妃凡三廟今先京師
諸廟而在南京者以類列焉

京師

北極佑聖宮即真武廟開國靖難神多效靈故祀之每

歲元旦聖旦三月三日九月九日每月朔望日俱用素饌遣太常寺堂上官行禮國有大事則告

東嶽泰山廟洪武三年春秋合祀于山川壇二十一年後春附祭于郊秋祭仍舊今罷惟每歲聖旦及三月二十八日用牛一羊一豕一果品五帛一遣太常寺堂上官祭于其廟

都城隍廟舊從祀于郊壇聖旦及五月十一日遣太常寺官祭于其廟嘉靖九年罷從祀增廟祭一壇每歲仲

祭神祇日用犢一羊一豕一釧二簋簋各二籩豆各十帛一遣官詣廟致祭國有大事則告

京都太倉神廟洪武初建于南京永樂後京師祭如之每歲春秋仲月擇日用羊一豕一餅饊果品饅頭糕各五帛一遣戶部堂上官祭

司馬馬祖先牧神廟國初築壇于南京後湖並祀今立廟如之每歲二八月月中旬擇日遣太僕寺官祭

弘濟神祠西海子源出西山遶甕山後東入都城南出

玉河入于大通漕渠嘉靖十五年建金海神祠于大內
西苑湧泉亭以祀宣靈弘濟之神水府之神司舟之神
二十二年改今名每歲仲春秋上壬日用羊一豕一鉶
二簋簋二籩豆各六帛七遣太常卿行禮

靈濟宮福州閩縣原建宮祀南唐徐知證知諤兄弟永
樂十五年上寢疾藥罔效禱之即瘳于是建宮京師封
金闕玉闕真人十六年改封真君每歲元旦冬至二真
君仙妃生辰用帛素羞遣太常寺堂上官行禮每月朔

望本宮住持行禮國有大事則告而福州舊例每六年掛袍太常寺遣官齋送萬厯四年奏罷遣官止預行本省如式織造即令布政司堂上官祭告掛換

元世祖廟洪武初年建每歲二八月中旬擇日遣順天府祭嘉靖二十四年罷

漢前將軍漢壽亭侯關公廟舊稱壽亭侯嘉靖十年始正今稱每歲五月十三日以侯生辰用牛一羊一豕一果品五帛一遣太常寺堂上官行禮國有大事則告

宋文丞相祠永樂六年建每歲春秋仲月用羊一豕一
果品五帛一遣順天府尹行禮

榮國恭靖公姚廣孝祠舊配享于太廟嘉靖九年移祀
大興隆寺後寺燬移崇國寺每歲春秋用羊一豕一果
品五帛一遣太常寺堂上官行禮

南京

北極真武廟每歲三月三日九月九日用素羞遣南京
太常寺官祭

都城隍廟洪武二年封京都城隍祀之三年正城隍號
命從祀于山川壇二十年改建廟二十一年後春附祭
于郊秋祭仍舊今罷惟每歲八月祭帝王後一日遣南
京太常寺官祭

京都太倉神廟每歲二八月十五日遣南京戶部官祭
天妃宮宮在龍江關永樂五年建每歲以正月十五日
二月二十三日遣南京太常寺官致祭

五顯靈順廟每歲四月八日九月二十八日遣南京太

常寺官祭

道林真覺普濟禪師廟即寶誌公洪武初建塔廟于雞鳴山上每歲三月十八日用素羞遣南京太常寺官祭

祠山廣惠廟祀張渤每歲二月十八日遣南京太常寺官祭

漢前將軍漢壽亭侯關公廟洪武二十七年自玄津橋改建于雞鳴山與真武城隍五顯祠山及蔣卞曹劉衛國共稱十廟每歲四孟及歲暮遣應天府官祭五月十

三日又遣南京太常寺官祭 漢秣陵尉蔣忠烈廟晉
成陽卞忠貞公廟宋濟陽曹武惠王廟南唐劉忠肅
王廟元衛國忠肅公廟五廟祀漢蔣子文晉卞壺宋曹
彬南唐劉仁瞻元福壽俱洪武二十年改建歲以四孟
朔及除日遣應天府官祭永樂七年進封子文忠烈武
順昭靈嘉佑王忠烈舊廟四月二十八日以生辰加一
祭

功臣廟洪武二年建每四孟歲暮遣勲戚大臣祭 殿

中正位中山武寧王徐達開平忠武王常遇春岐陽武
靖王李文忠寧和武順王鄧愈東甌襄武王湯和黔寧
昭靖王沐英 東序西向都指揮使馮國用郢國公僉
都督耿再成西海武莊公僉都督丁德興濟國公都督
同知張德勝蔡國忠毅公靖海侯吳禎海國襄毅公平
章康茂才蘄國武義公副使茅成東海郡公 西序東
向叅政胡大海越國武莊公都督同知趙德勝梁國公
廣德侯華高巢國武莊公都督同知俞通海號國忠烈

公江陰侯吳良江國襄烈公宣寧侯曹良臣安國忠烈
公安陸侯吳復黥國威毅公副使孫興祖燕山忠愍侯
兩廡各設牌一總書故功臣指揮千百戶衛所鎮撫之
靈又大功坊中山王家廟永樂三年令每歲正旦清
明中元十月朔冬至遣太常寺官祭以少牢

有司祀典上

舊典雜列各處山川土神古今聖賢忠臣烈士能禦
大灾能捍大患以勞定國以死勤事或奉特勅建廟

賜額或沿前代降勅護持者皆著祀典秩在有司不可勝列惟嶽鎮海瀆及歷代帝王陵寢凡遇登極必遣官分投祭告特重其禮故備列之

嶽鎮海瀆

東嶽泰山山東泰安州祭 西嶽華山陝西華陰縣祭
中嶽嵩山河南河南府祭 南嶽衡山湖廣衡州府祭
北嶽恒山直隸真定府祭 東鎮沂山山東青州府祭
西鎮吳山陝西隴州祭 中鎮霍山山西平陽府祭

府祭 南鎮會稽山浙江紹興府祭 北鎮醫巫閭山

遼東祭 東海山東萊州府祭 西海山西蒲州祭

南海廣東廣州府祭 北海懷慶府祭 江瀆四川成

都府祭 河瀆山西蒲州祭 淮瀆河南南陽府祭

濟瀆河南懷慶府祭

帝王陵寢

伏羲氏河南陳州祭 媧皇氏山西趙城縣祭 神農

氏湖廣鄱縣祭 軒轅氏陝西延安府祭 少昊氏山

東曲阜縣祭 高陽氏高辛氏直隸滑縣祭 堯帝山

東東平州祭 舜帝湖廣寧遠縣祭 夏禹王浙江會

稽縣祭 商湯王山西滎河縣祭 商中宗直隸內黃

縣祭 商高宗河南陳州祭 周文王周武王周成王

周康王漢高祖俱陝西西安府祭 漢文帝陝西咸寧

縣祭 漢景帝陝西西安府祭 漢武帝陝西興平縣

祭 漢宣帝陝西長安縣祭 漢光武河南孟津縣祭

後魏文帝陝西富平縣祭 隋高祖陝西扶風縣祭

有司自祭不在
三十六陵內

唐高祖陝西三原縣祭 唐太宗陝

西醴泉縣祭 唐憲宗陝西蒲城縣祭 唐宣宗陝西

涇陽縣祭 周世宗河南鄭州祭 宋太祖宋太宗宋

真宗宋仁宗俱河南鞏縣祭 宋孝宗宋理宗俱浙江

會稽縣祭 元世祖順天府祭

嘉靖
中罷

凡應祀神祇

洪武元年令郡縣訪求應祀神祇名山大川聖帝明王
忠臣烈士凡有功于國家及惠愛在民者具實以聞著

于祀典有司歲時致祭 二年令有司時祀祀典神祇
其不在祀典而常有功德於民事蹟昭著者雖不祭其
祠宇禁人毀撤 三年遣官訪歷代帝王陵廟令具圖
以進 四年遣使祭歷代帝王陵寢始罷天下府州縣
祀三皇又令歷代帝王但在中原安養人民者俱春秋
祭祀惟遠而在偏方與在中原而昏愚者俱不祭亦不
禁樵採 七年令禮部頒祭嶽鎮海瀆儀于所在有司
九年遣官行視歷代帝王陵寢凡三十六陵令百步

內禁樵採設陵戶二人看守有司督近陵之民以時封
培每三年一降香致祭 二十六年定各處聖帝明王
忠臣烈士載在祀典不係淫祠者其廟宇陵寢皆要備
知其處每年定奪日期或差官往祭或令有司自祭禮
部悉理之

前代陵寢

天順八年令各處帝王陵寢被人毀發者所在有司即
時脩理如舊仍令附近人民一丁看護免其差徭

凡神祇壇廟

嘉靖九年令各處應祀神祇帝王忠臣孝子功利一方者其壇場廟宇有司修葺依期齋祀勿褻勿怠

凡靖難間革除被罪諸臣

隆慶六年令各地方官查其生長鄉邑或特為建祀或即附本處名賢忠節祠歲時俱以禮致祭

凡各處鄉賢名宦祠

萬厯二年令各撫按官查勘廬正有不應入祠者即行

革黜

有司祀典下

洪武二十六年著令天下府州縣合祭風雲雷雨山川社稷城隍孔子及無祀鬼神等有司務要每歲依期致祭其壇墠廟宇制度牲醴祭器體式俱載洪武禮制今列于後

社稷

府州縣同

壇制東西二丈五尺南北二丈五尺高三尺

俱用營造尺

四

出陞各三級壇下前十二丈或九丈五尺東西南各五丈繚以周牆四門紅油北門入石主長二尺五寸方一尺埋于壇南正中去壇二尺五寸止露圓尖餘埋土中神號各布政司寓治之所雖係布政司官致祭亦合稱府社府稷府稱府社之神府稷之神州稱州社之神州稷之神縣稱縣社之神縣稷之神神牌牌二以木為之朱漆青字身高二尺二寸濶四寸五分厚九分座高四寸五分濶八寸五分厚四寸五分臨祭設于壇

上以矮桌盛頓祭畢藏之 房屋神厨三間用過梁通

連深二丈四尺中一間濶一丈五尺九寸旁兩間每一

間濶一丈二尺五寸鍋五口每口二尺五寸庫房間架

與神厨同

內用壁不用連

宰牲房三間深二丈二尺五寸三間

通連中一間濶一丈七尺五寸九分旁二間各濶一丈

于中一間正中鑿宰牲小池長七尺深二尺濶三尺軌

砌四面安頓木架于上宰牲血水聚于池內祭畢擔去

仍用蓋房門用鎖

宰牲房前舊有小池者仍舊制不必更改無者不必鑿池止于井內取水

滌牲桶四隻寬大可以容牲 祝版以木為之白紙寫
文貼其上祭畢焚之 祭器牲匣四以木為之朱漆底

蓋各高六寸長三尺三寸濶二尺二寸蓋兩頭用銅環
二箇底兩旁用銅環四箇籩豆簋簠俱用瓷櫟簋櫟
稍大酒尊三用磁尊每尊用蓋布巾一酌酒杓一爵六
用磁爵鋤一用瓷碗香爐二設于壇之左右 案桌神
牌案二高一尺一寸濶一尺九寸長三尺三寸邊豆簋
簋案四高一尺一寸濶一尺九寸長三尺三寸牲匣案

四高六寸濶二尺四寸長三尺五寸祝案一高一尺一寸濶一尺九寸長三尺三寸酒尊案一高二尺七寸五分濶一尺五寸長五尺桌面剡三孔仍用木版一片橫裝于剡孔之下以盛酒尊爵帛案一高二尺七寸五分濶二尺三寸長三尺 盥具尊一用瓷甕酌水杓一盆一錫銅瓷隨用帨布一案一高二尺七寸五分濶二尺三寸長三尺 祭物羊一豕一帛一黑色長一丈八尺鉶一盛和羹籩四棗栗鹽藁魚豆四韭菹醯醢猪肉鮓

菁藟鹿醢或用麋兔簋二黍稷簋二稻粱 祭期每歲
仲春仲秋上戊日 獻官各布政司及府州縣凡遇祭
祀隨處但長官一員行三獻禮餘官止陪祭武官並不
預祭 儀注正祭前三日獻官并陪祭官執事人等沐
浴更衣散齋二日各宿別室致齋一日同宿祭所散齋
仍理事務惟不飲酒不食葱韭蒜薤不弔喪問疾不聽
樂不行刑不判署刑殺文字不預穢惡事致齋惟理祭
事正祭前一日執事者設香案于宰牲房外贊引引獻

官常服詣省牲所贊省牲執事者牽牲從香案前過贊引贊省牲畢遂牽牲以毛血少許盛于盤其餘毛血以淨器盛貯祭畢埋之

其牲須連皮烹熟供祭

前期執事掃除壇

之上下并設獻官幕次于中門外執事者依圖陳設其

日清晨執事者各實籩豆酒尊等器并滌爵

臨祭獻官免滌爵

官具祭服僉祝版于幕次執事者置祝于案置幣于篚取毛血盤置神位前牲案下將行禮執事者以牲匣盛牲置于案未啓蓋通贊唱執事者各司其事陪祭官各

就位唱獻官就位贊引引獻官入就位通贊唱瘞毛血
執事者以毛血瘞于坎遂啓牲匣蓋通贊唱迎神鞠躬
拜興拜興拜興拜興平身獻官陪祭官皆四拜興平身
通贊唱奠帛行初獻禮捧帛者捧帛執爵者執爵以詣
贊禮唱詣盥洗所引贊引獻官至盥洗所贊搯笏執事
酌水進悅獻官盥手悅手訖盥手悅
手不贊贊出笏獻官出笏
贊詣酒尊所贊司尊者舉幕酌酒執事者各以爵受酒
贊詣某社神位前引獻官詣神位前贊跪搯笏獻官搯

笏捧帛者跪進于獻官之右獻官受帛獻帛以帛授執

事者奠于案執爵者跪進于獻官之右獻官受爵贊獻

爵獻官獻爵以爵授執事者奠于神位前

凡進帛進爵皆跪于獻官

之右奠帛奠爵皆在獻官之左

贊出笏獻官出笏贊俯伏興平身獻官

俯伏興平身贊詣某稷神位前

儀同上

贊詣讀祝位獻官

詣讀祝位贊跪獻官跪贊讀祝讀祝者取祝跪讀于獻

官之左畢興置祝于案贊俯伏興平身獻官俯伏興平

身贊復位獻官復位通贊唱行亞獻禮贊引引獻官詣

酒尊所贊司尊者舉罍酌酒執事者各以爵受酒贊詣
某社神位前引獻官詣神位前贊跪贊搢笏獻官跪搢
笏執爵者跪進于獻官之右獻官受爵贊獻爵獻官獻
爵以爵授執事者奠于神位前贊出笏獻官出笏贊俯
伏興平身獻官俯伏興平身贊詣某稷神位前同上儀贊
復位獻官復位終獻同亞獻儀通贊唱飲福受胙執事
者設飲福位于壇之中稍北執事者先于社神前取羊
一脚置于盤執事者于酒尊所酌酒一爵立俟于飲福

位之右贊引引獻官詣飲福位贊跪搯笏獻官跪搯笏
執事者以爵跪進于獻官之右獻官受爵贊飲福酒獻
官飲訖以虛爵授執事者執事者跪受爵于獻官之左
以退贊受昨執事者以昨跪進于獻官之右獻官受昨
以昨授執事者執事者跪受于獻官之左捧由中道出
贊出笏獻官出笏贊俯伏興平身獻官俯伏興平身贊
復位通贊贊兩拜獻官陪祭官皆兩拜通贊唱徹饌執
事者各詣神位前以籩豆稍移動通贊唱送神贊鞠躬

拜興拜興拜興拜興平身獻官陪祭官皆四拜興平身
通贊唱讀祝官捧祝進帛官捧帛各詣瘞所獻官陪祭
官移身分東西立俟捧帛祝者由中道過獻官復位通
贊唱望瘞贊引贊詣望瘞位引獻官至望瘞位執事者
以祝帛焚于坎中將畢以土實坎贊引通贊同唱禮畢

祝文維洪武某年歲次某月某朔某日某官某等敢
昭告于某社之神某稷之神曰品物資生烝民乃粒養
育之功司土是賴維茲仲春禮宜告報祀謹以牲帛醴齊

梁盛庶品式陳明薦尚享

風雲雷雨山川城隍之神

凡各布政司府州縣春秋仲月上旬擇日同壇祭設三

神位風雲雷雨居中山川居左城隍居右

若府州縣則稱某府某州

某縣境內山川之神某府某州某縣城隍之神

風雲雷雨帛四山川帛二城隍

帛一俱白色附郭府州縣官止隨班行禮不必別祭其

祭物祭品獻官及齋戒省牲陳設正祭迎神並與社稷

禮同

但臨祭時執事者先以毛血瘞于坎通贊不唱瘞毛血

奠帛初獻先詣風雲

雷雨神位前次詣山川神位前次詣城隍神位前次詣

讀祝所亞獻終獻同初獻

不唱奠帛讀祝

飲福受胙其胙于風

雲雷雨神位前取羊一脚徹饌送神望燎亦同社稷儀

但改瘞字為燎字

祝文維洪武某年歲次某月某朔某日某

官某等敢昭告于風雲雷雨之神某府州縣境內山川

之神某府州縣城隍之神曰惟神妙用神機生育萬物

奠式民居足我民食某等欽承上命

職守方面布政司用忝職茲土府州

縣今當仲

春

謹具牲醴庶品用申常祭尚享

嶽鎮海瀆帝王神廟

凡五嶽五鎮四海四瀆及帝王陵廟已有取勘定擬致祭去處所在官司以春秋仲月上旬擇日致祭近布政司者布政司官致祭近府州縣者各府州縣官致祭各用帛一五嶽五鎮四海各隨方色四瀆用黑色帝王陵廟用白色其牲物祭器儀注並與社稷同

如獻官奠爵訖就讀祝惟

瘞毛血望燎與祀風雲雷雨等神同其四海四瀆祝帛俱沈水中毛血仍瘞之

祝文五嶽維

神靈峙方嶽鍾秀厚祇主司生民其功允大時維仲

春秋

謹具牲醴庶品用申常祭尚享

如東嶽則稱曰東嶽泰山之神西嶽華山南嶽

衡山北嶽恒山中嶽嵩山皆倣此

五鎮維神鍾秀崇高一方巨鎮封

表有年功著民社時維仲

春

謹具牲醴庶品用申常祭

尚享

如東鎮則稱東鎮沂山之神南鎮會稽西鎮吳山北鎮醫巫閭中鎮霍山皆倣此

四海

維神靈鍾坎德萬水所宗功利甚廣溥濟斯民時維仲

春秋

謹具牲醴庶品用申常祭尚享

如東海則稱東海之神西海南海北海皆

此倣

四瀆維神鍾德靈長發源成溪潤澤所加溥利民

物時維仲

春

謹具牲醴庶品用申常祭尚享

如淮瀆則稱東瀆大

淮之神西瀆大河南瀆
大江北瀆大濟皆倣此

歷代帝王陵寢維某帝王功

加當時德垂後世陵寢所在仰止益虔時維仲

春秋

謹具

牲醴庶品用申祀典尚享

旗纛

凡各處守禦官俱于公廨後築壇立旗纛廟設軍牙六
旗纛神位春祭用鷺蟄日秋祭用霜降日祭物用羊一
豕一帛一白色祝一香燭酒果先期各官齋戒一日至
日守禦長官武服行三獻禮若出師則取旗纛以祭班

師則仍置于廟儀注與社稷同但瘞毛血望燎與風雲
雷雨等神同 祝文維神正直無私指揮軍士助揚威
武皆仗神功某等欽承上命守禦茲土惟茲仲春秋謹以
牲醴庶品用申常祭尚享

以上各項祭祀壇廟宰牲房屋牲帛日期並依已定
制度合用牲匣邊豆簋簠尊爵鹽洗等器並如社稷
壇樣制辦成造但案桌用高桌

祭厲

凡各府州縣每歲春清明日秋七月十五日冬十月初一日祭無祀鬼神其壇設城北郊間府州名郡屬縣名邑厲祭物牲用羊三豕三飯米三石香燭紙隨用儀

注先期三日主祭官齋沐更衣

用常服

備香燭酒果詣本

處城隍發告文通贊者贊鞠躬拜興拜興平身詣神位前跪進爵獻爵奠爵俯伏興平身復位鞠躬拜興拜興平身焚告文禮畢至日設城隍位于壇上祭物用羊一豕一設無祀鬼神于壇下左右

如府則曰本府境內無祀鬼神

祭物用

羊二豕二解置于器同羹飴等鋪設各鬼神位前執事者陳設畢通贊唱執事者各就位陪祭官各就位主祭官就位鞠躬拜興拜興拜興平身詣神位前跪三獻酒俯伏興平身復位讀祭文訖鞠躬拜興拜興拜興拜興平身以祭文同紙焚訖贊禮畢 祭文維洪武某年某月某日某府官某遵承禮部劄付為祭祀本府闔境無祀鬼神等衆事該欽奉皇帝聖旨普天之下后土之上無不有人無不有鬼神人鬼之道幽明雖殊其理

則一故天下之廣兆民之衆必立君以主之君總其大
又設官分職于府州縣以各長之各府州縣又于每一
百戶內設一里長以綱領之上下之職綱紀不紊此治
人之法如此天子祭天地神祇及天下山川王國各府
州縣祭境內山川及祀典神祇庶民祭其祖先及里社
土穀之神上下之禮各有等第此事神之道如此尚念
冥冥之中無祀鬼神昔為生民未知何故而歿其間有
遭兵刃而橫傷者有死于水火盜賊者有被人取討而

逼死者有被人強奪妻妾而死者有遭刑禍而負屈死者有天災流行而疫死者有為猛獸毒蟲所害者有為饑餓凍死者有為戰鬪而殞身者有因危急而自縊者有因牆屋傾墮而壓死者有死後無子孫者此等鬼魂或終于前代或沒于近世或兵戈擾攘流移于他鄉或人煙斷絕久缺其祭祀姓名泯沒于一時祀典無聞而不載此等孤魂死無所依精魄未散結為陰靈或依草附木或作為妖怪悲號于星月之下呻吟于風雨之時

凡遇人間令節心思陽世魂杳杳以無歸身墮沈淪意
懸懸而望祭興言及此憐其悽慘故勅天下有司依時
享祭在京都有泰厲之祭在王國有國厲之祭在各府
州有郡厲之祭在各縣有邑厲之祭在一里又各有鄉
厲之祭期于神依人而血食人敬神而知禮仍命本處
城隍以主此祭欽奉如此今某等不敢有違謹設壇于
城北以三月清明日七月十五日十月一日置備牲醴
羹飯專祭本府合境無祀鬼神等衆靈其不昧永享此

祭凡我一府境內人民儻有忤逆不孝不敬六親者有
奸盜詐偽不畏公法者有拗曲作直欺壓良善者有躲
避差徭靠損貧戶者似此頑惡奸邪不良之徒神必報
于城隍發露其事使遭官府輕則笞決杖斷不得號為
良民重則徒流絞斬不得生還鄉里若事未發露必遭
陰譴使舉家並染瘟疫六畜田蠶不利如有孝順父母
和睦親族畏懼官府遵守禮法不作非為良善正直之
人神必達之城隍陰加護佑使其家道安和農事順序

父母妻子保守鄉里我等合府官吏如有上欺朝廷下
枉良善貪財作弊蠹政害民者靈必無私一體昭報如
此則鬼神有鑒察之明官府非諂諛之祭尚享 告城
隍文某府遵承禮部劄付為祭祀本府無祀鬼神事該
欽奉皇帝聖旨普天之下后土之上無不有人無不有
鬼神人鬼之道幽明雖殊其理則一今國家治民事神
已有定制尚念冥冥之中無祀鬼神 昔為生民以下至
依時享祭並與前
同但無在京
都等七句 命本處城隍以主此祭鎮控壇場鑒察諸

神等類其中果有生為良善誤遭刑禍死於無辜者神當達于所司使之還生中國永享太平之福如有素為究頑身死刑憲雖獲善終亦出僥倖神當達於所司屏之四裔善惡之報神必無私欽奉如此今某等不敢有違謹于某年某月某日于城北設壇置備牲酒羹飯享祭本府無祀鬼神等衆然幽明異境人力難為必資神力庶得感通今特移文于神先期分遣諸將召集本府合境鬼靈等衆至日悉赴壇所普享一祭神當欽承勅

命鎮控壇場鑒察善惡無私昭報為此合行移牒請照
驗欽依施行

里社

凡各處鄉村人民每里一百戶內立壇一所祀五土五
穀之神專為祈禱雨暘時若五穀豐登每歲一戶輪當
會首常川潔淨壇場遇春秋二社預期率辦祭物至日
約聚祭祀其祭用一羊一豕酒果香燭隨用祭畢就行
會飲會中先令一人讀抑強扶弱之誓其詞曰凡我同

里之人各遵守禮法毋恃力凌弱違者先共制之然後
經官或貧無可贍周急其家三年不立不使與會其婚
姻喪葬有乏隨力相助如不從衆及犯姦盜詐偽一切
非為之人並不許入會讀誓詞畢長幼以次就位盡歡
而退務在恭敬神明和睦鄉里以厚風俗 儀注前祭
一日會首及預祭之人各齋戒一日會首前遣執事人
掃除壇所為瘞坎于壇所之西北方深取足容物會首
洗滌廚房釭器以淨室為饌所至晚宰牲執事者以楪

取毛血與祭器俱寘于饌所

祭器俱用
瓦器

祭日未明執事

者于厨中烹牲設五土五穀神位于壇上五土居東五穀居西設讀祝所于壇上居中間設會首拜位于壇下俱南向設預祭人位于其後設引禮及諸執事人位又于其後執事者于饌所實祭物于楪內解牲體置于二俎置酒于尊書祝文于紙祭物既備執事者各捧設于神位前燃香明燭自會首以下各服常服盥手入就拜位立定執事者執壺于尊中取酒立于五土神位之左

引禮者唱鞠躬拜興拜興平身會首以下皆鞠躬拜興
拜興平身執事者取毛血瘞于坎中引禮引會首詣五
土神位前唱跪會首詣五土神位前跪舉杯執壺者斟
酒引禮唱三祭酒會首三祭酒訖引禮唱俯伏興平身
執壺者詣五穀神位之左引禮引會首詣五穀神位前
唱跪會首詣五穀神位前跪舉杯執壺者斟酒引禮唱
三祭酒會首三祭酒訖引禮唱俯伏興平身會首俯伏
興平身引禮唱就讀祝所讀祝者取祝立于讀祝位之

左會首詣讀祝所引禮唱跪會首跪唱讀祝讀祝者跪
讀祝訖興置祝于案引禮唱俯伏興平身會首俯伏興
平身引禮唱復位會首復位引禮唱鞠躬拜興拜興平
身會首以下皆鞠躬拜興拜興平身執事者撤祭物讀
祝者取祝文焚瘞于坎所禮畢行會飲誓文禮祝文
維洪武某年歲次某月某朔某日某府某州某縣某鄉
某里某人等謹致祭于五土之神五穀之神曰維神叅
贊造化發育萬物凡我庶民悉賴生殖時維仲春東作
方興秋

歲事
有成謹具牲醴恭申

祈告
報祭

伏願雨暘時若五穀豐登官

賦足供民食充裕神其鑒知尚享

鄉厲

凡各鄉村每里一百戶內立壇一所祭無祀鬼神專祈
禱民庶安康孳畜蕃盛每歲三祭春清明日秋七月十
五日冬十月一日祭物牲酒隨鄉俗置辦具輪流會首
及祭畢會飲讀誓等儀與祭里社同 祭文某縣某鄉
某村某里某社里長某人承本縣官裁旨該欽奉皇帝

聖旨

以下文與祭厲同

今某等不敢有違謹設壇于本里

以三月清

明日七月十五日十月一日

率領某人等百家聯名于此實備羹飯

脩物祭于本里無祀鬼神等衆靈其不昧依期來享凡

我一里之中百家之內儻有忤逆不孝

以下並同前祭厲文但無我等

合府官吏至一體昭報一款

如此則鬼神有鑒察之明我民無諂諛

之祭靈其無私永垂昭格尚享

祭告城隍文某府某

縣某鄉某村某里里長某人率領某里人民某人等聯名謹具狀告于本縣城隍之神今來某等承奉縣官裁

旨遵依上司所行為祭祀本鄉無祀鬼神事該欽奉皇

帝聖旨

以下文與前告城隍同但省無祀鬼神至作為妖怪一段為有等不在典祀之神不得血食之

鬼魂無所依私顯靈怪四句又省凡遇人間六句依時享祭下加鄉村里社一年三祭八字命本處城隍改仍命以禮請本處城隍生為克惡生字改素字神當達于所司屏之四裔改神必屏之四裔此外並同今某

等不敢有違欽依于某年某月某日就本里設壇謹備

羹飯餽物祭享于本鄉無祀鬼神等眾然幽明異境人

力難為必資神力庶得感通今特虔誠告于神先期分

遣諸將徧歷所在招集本里鬼靈等眾至日悉赴壇所

受祭神當欽承勅命鎮控壇場鑒察善惡無私昭報為此謹具狀告于本縣城隍之神俯垂昭鑒謹狀

凡在外祀典雜例

洪武六年定天下十三省山川皆各省自祭舊合祭京師及四夷山川悉罷之各城隍之神祭日春用三月三日秋用九月九日七年奏定天下府州縣社稷之神正配位各用羊一豕一十一年令在外府州縣祭祀典神祇中祀俱用帛小祀俱只用牲醴十四年令在

外祭山川等神以文職長官一員行禮武官不預如軍民指揮使司則從本司行之 十八年議准先師孔子及社稷山川等祀凡縣附府者罷縣祭 二十九年令在外未入流官陪祭俱用祭服 宣德八年定新官到任以羊豕各一總祀應祀神祇于城隍廟 正統二年令應天府建社稷壇春秋祈報以守臣行事

品官家廟

國初品官廟制未定大明集禮權倣宋儒家禮祠堂

之制奉高曾祖禰四世之主亦以四仲之月祭之又
加臘月忌日之祭夫歲時俗節之薦享至若庶人
得奉其祖父母父母之祀已有著令而其時享于寢
之禮太槩與品官畧同

祠堂制度

祠堂三間外為中門中門外為兩階皆三級東曰東階
西曰西階階下隨地廣狹以屋覆之令可容衆衆敘立
又為遺書衣物祭器庫及神厨于其東繚以周垣別為

外門常加局閉祠堂之內以近北一架為四龕每龕內
置一桌高祖居西曾祖次之祖次之父次之神主皆藏于櫝
中置于桌上南面龕外各垂小簾簾外設香桌于堂中置香
爐香合于其上兩階之間又設香桌亦如之若家貧地
狹則止為一間不立廚庫而東西壁下置立兩櫃西藏
遺書衣物東藏祭器亦可地狹則於廳事之東亦可

時祭儀節

卜日凡四時之祭用仲月並於孟月下旬之首擇仲月

三旬各一日或丁或亥主祭盛服率兄弟子孫立于祠堂階下北面置桌子于主祭之前設香爐香合杯筴于其上主祭以下皆再拜訖主祭焚香薰筴祝曰某將以來月上旬某日祇薦歲事于祖考即以筴擲於地以一俯一仰為吉不吉再卜中旬之日又不吉則不復卜而直用下旬之日既得日乃復位再拜而退若臘日忌日俗節之薦享則不必卜 齋戒前期三日主祭率衆丈夫致齋于外主婦率衆婦女致齋于內浴沐更衣飲酒

不得致亂食肉不得茹葷不弔喪不聽樂凡凶穢之事
皆不得預 陳設前一日主祭率子弟及執事洒掃正
寢洗拭桌椅務令蠲淨設高祖考妣位于堂西北壁下
南向考西妣東各用一椅一桌而合之曾祖考妣祖考
妣考妣以次而東皆如高祖之位世各為位不相連屬
別設傍親無後及卑幼先亡者附食位于東西壁下凡
伯叔祖考妣伯叔考妣兄弟嫂妻弟婦子姪子姪婦之
屬皆右男子左婦女東西相向以北為上

凡屋不問何
向但以前為

南後為北左
為東右為西

設香案于堂中置香爐香合于其上束茅
聚沙于香案前及逐位前地上設酒案于東階上別置
桌子于東設酒注一盃酒盞一鹽櫟醋瓶于其上火爐
湯瓶香匙火箸于西階上別置桌子于西設祝版于其
上設盥盆帨巾各二于阼階下之東又設陳饌大牀于
東省饌前一日主祭率衆大夫省牲涖殺主婦率衆
婦女滌濯祭器潔釜鼎具祭饌每位果六品菜蔬及脯
醢各三品肉魚饅頭糕各一盤羹飯各一碗肝各一串

肉各一串務令清潔未祭之前勿令人先食及為猫犬
蟲鼠所汚 行事祭之日質明主祭以下各具服主祭
者見居官則唐巾束帶婦人曾受封者則花釵翟衣士
人未為官者則幅巾深衣庶人則巾衫結絛婦人則大
襖長裙首飾如制主祭以下具服訖盥手悅手詣正寢
神位前設菜果酒饌設果楪于桌子上南端蔬果脯醢
相間次之設盞拌醋楪于北端盞西楪東匙箸居中設
酒瓶于架上熾炭于鑪主婦炊煖祭饌皆令極熱以合

盛出置東階下大牀上次詣祠堂前階下序立主祭位
于東兄弟以下位于主祭之東少進子孫及外執事以
次重行列于主祭之後主婦位于西兄嫂弟婦姊妹位
于主婦之西少退女子子婦及內執事亦以次重行列
于主婦之後皆北向有伯叔父母位次並居主祭主婦
位稍前主祭有母則特位于主婦之前敘立訖主祭陞
自阼階焚香告曰孝孫某今以仲春之月夏秋有事于冬同
顯高祖考某官府君顯高祖妣某封某氏顯曾祖考某

官府君顯曾祖妣某封某氏顯祖考某官府君顯祖妣某封某氏顯考某官府君顯妣某封某氏以某親某官府君某親某封某氏祔食敢請神主出就正寢恭申奠獻告訖斂櫝正位附位各置一筭各以執事者一人捧之主祭者導主婦以下皆從至正寢置于西階桌子上主祭啓櫝奉諸考神主出就位主婦奉諸妣神主就位其祔位則各用子弟一人奉之既畢主祭以下皆降復位 叅神主祭以下敘立如祠堂之儀立定俱拜若尊

長老疾者則休于他所 降神主祭陞詣香案前焚香

少退立執事者一人實酒于注一人取東階桌子上盤

盞立于主祭之左一人執注立于主祭之右主祭跪捧

盤盞者亦跪進盤盞主祭受之執注者亦跪斟酒于盞

主祭者左手執盤右手執盞

灌于茅上以盤盞授執事者俯伏興再

拜降復位 進饌主祭陞主婦從之執事者一人以盤

奉魚肉一人以盤奉米麪食一人以盤奉羹飯從陞至

高祖位前主祭奉肉奠于盤盞之南主婦奉麪食奠于

肉西主祭奉魚于醋櫟之南主婦奉米食奠于魚東主祭奉羹奠于醋櫟之東主婦奉飯奠于盤盞之西以次設詣諸正位使子弟婦女各設祔位皆畢主祭以下皆降復位酌獻主祭陞詣高祖位前執事者一人執酒注于其右冬月先煖之主祭奉高祖考盤盞位前東向立執事者以西向斟酒于盞內主祭奉之奠于故處次奉高祖妣盤盞亦如之奠訖位前北向立執事者二人舉高祖考妣盤盞立于主祭之左右主祭跪執事者亦

跪主祭受高祖考盤盞右手取盞祭之茅上以盤盞授執事者反之故處受高祖妣盤盞亦如之俯伏興少退立執事者炙肝于爐以牒盛之兄弟之長一人奉之奠于高祖考妣前匙箸之南祝取版立于主祭之左跪讀曰某年某月某朔某日孝玄孫某官某敢昭告于顯高祖考某官府君顯高祖妣某封某氏氣序流易時維仲春追感歲時不勝永慕敢以潔牲柔毛粢盛醴齊祇薦歲事以某親某官府君某親某封某氏祔食尚享畢興

主祭再拜退詣諸位獻祝如初每逐位讀祝畢即兄弟
衆男之不為亞終獻者以次分詣本位所祔之位酌獻
如儀但不讀祝獻畢皆降復位執事者以他器徹酒及
肝置盞于故處曾祖前稱孝曾孫祖前稱孝孫考前稱
孝子改不勝永慕為昊天罔極凡祔者伯叔祖父祔于
高祖伯叔父祔于曾祖兄弟祔于祖子孫祔于考餘皆
倣此如本位無即不言以某親祔食亞獻則主婦為之
諸婦女奉炙肉及分獻如初獻儀但不讀祝終獻則兄

弟之長或長男或親賓為之衆子弟奉炙肉及分獻如
亞獻禮 侑食主祭者陞執注就斟諸位之酒皆滿立
于香案之東南主婦陞扱匙飯中西柄正箸立于香案
之西南皆北向再拜降復位 闔門主祭以下皆出祝
闔門無門處即降簾可也主祭立于門東西向衆丈夫
在其後主婦立于門西東向衆婦女在其後如有尊長
則少休于他所此所謂厭也 啓門祝聲三噫歆乃啓
門主祭以下皆入其尊長先休于他所者亦入就位主

祭主婦奉茶分進于考妣之前祔位使諸子弟婦女進之受胙執事者設席于香案前主祭就席北面祝詣高祖考前舉酒盤盞詣主祭之右主祭跪祝亦跪主祭受盤盞祭酒啐酒祝取匙并盤抄取諸位之飯各少許奉以詣主祭之左啜于主祭曰祖考命工祝承致多福于汝孝孫使汝受祿于天宜稼于田眉壽永年勿替引之主祭置酒于席前俯伏興再拜跪受飯嘗之實于左袂掛袂于季指取酒卒飲執事者受盞自右置注旁受

飯亦如之主祭俯伏興立于東階上西向祝立于西階
上東向告利成降復位與在位者皆再拜主祭不拜降
復位 辭主主祭以下皆再拜 納主主祭者與主婦
皆陞各奉主納于櫝主祭以笥斂櫝奉歸祠堂如來儀
徹主祭婦還監徹酒之在盞注他器中者皆入于瓶
緘封之所謂福酒果蔬肉食並傳之燕器主婦監滌祭
器而藏之 餼是日設席男女異處尊行自為一列南
面自堂中東西分首若止一人則當中而坐其餘以次

相對分東西向就位行酒薦食酒饌不足則以他酒饌
益之將罷主祭頒胙于內外執事者徧及微賤其日皆
盡

禮部志稿卷三十

欽定四庫全書

禮部志稿卷三十一

明 俞汝楫 編

祠祭司職掌

喪禮

喪葬之禮通乎上下各有差等無敢僭踰歷朝大喪
首遺詔次部議而儀注事例附焉宗藩及品官卹典
嘉靖隆慶以來數更條例今著其見行者以便遵守

大喪禮

洪武三十一年高皇帝喪禮

遺詔

一天下臣民令到出三日皆釋服嫁娶飲酒皆無禁一
母發民哭臨宮殿中當臨者皆以旦晡各十五舉哀禮
畢非旦晡臨毋得擅哭一當給喪事及哭臨者皆毋跣
經帶毋過三寸無布車兵器一諸王各於本國哭臨不
必赴京中外管軍戍守官員毋得擅離信地許遣人至

京一王國所在文武衙門官民軍士今後一聽朝廷節制護衛官軍王自處分一諸王不在令中者皆以此令比類從事部議一在京五府六部等衙門官員聞喪次日各易素服烏紗帽黑角帶赴內府聽宣遺詔畢於本衙門齋宿素服朝晡詣几筵哭仍各置孝服至第四日成服朝晡哭臨至葬畢而止仍自成服日為始服孝服二十七日而除其命婦亦於第四日各具孝服由西華門入哭臨不許帶金銀首飾一諸王世子郡王王妃郡

王妃郡主內使宮人等俱服斬衰三年自聞喪第四日成服為始二十七月而除凡臨朝視事素服烏紗帽黑角帶退朝服斬衰一官員麻布大袖員領衫不緝邊麻布帽就用所戴帽以布裏之仍垂帶麻腰經麻鞋一命婦麻布大袖員領長衫麻布蓋頭一冥器行移工部及內府司設監等衙門成造照依生存所用鹵簿器物名件一作神主用栗木為之制度依家禮一差行人齋捧遺詔前去各布政司并直隸府州縣衙門開讀一在外

大小衙門文武大小官員人等詔書到日素服烏紗帽
黑角帶行四拜禮跪聽宣訖舉哀再行四拜禮畢各置
孝服至第四日成服為始每旦率各屬官僚人等於本
衙門朝闕設香案哭臨三日而除一在外大小衙門各
令官一員赴京致祭所用香燭祭物禮部備辦

永樂二十二年文皇帝喪禮

遺詔喪服禮儀一遵洪武舊制

部議

一宮中自皇太子以下成服日為始服斬衰二十七月而除親王世子郡王及王妃世子妃郡王妃公主郡主以下聞喪皆哭盡哀行五拜三叩頭禮第四日成服斬衰二十七月而除凡王視事素服烏紗帽黑角帶退服衰服服內並停音樂嫁娶其祭祀止停百日一在京文武官初聞喪素服烏紗帽黑角帶明日清晨詣思善門外哭五拜三叩頭退各置斬衰服於本衙門宿歇不飲酒食肉第四日成服具衰服詣思善門外朝夕哭臨三

日又朝臨十日

洪熙後朝
臨七日

各十五舉聲成服日為始服

斬衰二十七日凡入朝及衙門視事用布裏紗帽垂帶

素服腰經麻鞋退服衰服二十七日之外素服烏紗帽

黑角帶二十七月而除聽選辦事等官服衰服監生吏

典僧道人等素服以成服日為始皆赴順天府朝闕設

香案朝夕哭臨三日又朝臨十日

洪熙後朝
臨七日

各十五舉

聲仍各素服二十七日而除文武官命婦聞喪第四日

各服麻布大袖員領長衫麻布蓋頭清晨由西華門入

哭臨三日仍各去金銀首飾素服二十七日凡音樂祭祀官員軍民人等並停百日男女婚嫁官員停百日軍民人等停一月軍民素服婦人素服不裝飾俱二十七日一在外俱以聞喪日為始令到之日文武官員素服烏紗帽黑角帶行四拜禮跪聽宣讀訖舉哀再行四拜禮畢各置斬衰服於本衙門宿歇不飲酒食肉第四日成服每旦率合屬官僚人等服衰服就本衙門朝闕設香案朝夕哭臨三日又朝臨十日

洪熙以後
並無朝臨

各十五舉

聲成服日為始衰服二十七日衙門視事用布裏紗帽垂帶素服腰經麻鞋退服衰服二十七日後素服烏紗帽黑角帶二十七月而除文武官命婦聞喪素服舉哀三日各十五舉聲去金銀首飾素服二十七日而除軍民男女皆素服一十三日凡音樂祭祀官員軍民人等並停百日男女嫁娶官員停百日軍民停一月一在京文武官孝服每官員給麻布一疋自制四夷使臣工部造與孝服諸王公主遣官及内外文武官員人等詣几

筵祭祀者光祿寺備祭物翰林院撰祭文引赴思善門外行禮各處進香官辭歸者諸王公主所遣臨期司禮監請旨給賜其方面官與路費鈔二十錠餘十錠一京城聞喪日為始寺觀各聲鐘三萬杵禁屠宰四十九日

一上尊諡

儀具後

一二十七日以後皇帝素冠麻衣麻經

臨朝退仍衰服一發引

儀具後

一大祥奉安神主神座儀

物於太廟前一日遣官祭告太廟至日上親告几筵殿皇太后皇后以下各祭一壇王府遣官共祭一壇在京

文武官員共祭一壇一禪祭遣親王詣陵行禮

洪熙元年昭皇帝喪禮

遺詔

山陵制度務從儉約喪制用日易月皆以二十七日釋服毋禁嫁娶音樂在外親王藩屏為重不可輒離本國各處總兵鎮守備禦重臣及文武大小官員亦毋擅離職守聞喪之日止於本處朝夕哭臨三日悉免赴闕行禮

部議

自聞喪日為始不鳴鐘鼓在京禁屠宰十三日諸王世子郡王及王妃郡主以下並遵遺詔喪服二十七日而除上尊諡次日百官各具素服烏紗帽黑角帶於承天門俟開讀尊諡詔

嘉靖四十五年肅皇帝喪禮

遺詔

喪禮依舊制以日易月宗室親郡王各處總督鎮巡三

司官各於本處朝夕哭臨三日進香差官代行衛所府州縣並土官並免進香郊社等禮及祔葬祔享各稽祖宗舊典斟酌改正

部議

一發喪殿下括髮詣大行皇帝宮內舉哀哀止小殮括髮設奠

不用文

舉哀歸喪次皇貴妃等妃殿下妃皇孫涇

簡王妃等妃景恭王妃寧安公主舉哀禮同哀畢各歸喪次是日頒遺詔一大殮殿下素服束髮詣大行皇帝

前舉哀設奠

不用文

大發奉安梓宮

几筵安神帛立銘

旌哭盡哀皇貴妃殿下妃皇孫及各王妃公主哭臨禮

皆同一成服殿下服衰服詣梓宮前舉哀行奠祭禮皇

貴妃殿下妃皇孫及各王妃公主皆成服各設祭一壇

六尚及宮人各隨祭禮畢各歸喪次是日內宮內使祭

一壇

以上祭俱用文

次日公侯駙馬伯五府六部等衙門共一

壇文武三品以上命婦共一壇一每七及百日殿下

壇皇貴妃等妃共一壇殿下妃一壇皇孫一壇涇簡王

妃等妃共一壇景恭王妃一壇寧安公主一壇一內外
官員軍民人等及各王府夷使禮並與洪武永樂同

永樂二十二年上尊諡儀

隆慶初稍有更
定者附註于下

前期三日齋戒前一日遣官祭告 天地宗廟社稷如

常儀俱太常寺先期奏請各祭告用祝文香帛果酒脯

醢是日

後用前
一日

內侍官置冊寶輿于奉天門

即皇極門
仍有香亭

又几筵前左右
先設冊寶案

捧冊寶各置輿中皇帝具袞服詣奉天

門隆慶初先祭告几筵陳設祭品如常
儀祭畢御皇極門百官暫免朝參

內侍官舉冊寶

輿導引官導皇帝後隨降階陞輅導引官退百官序立
金水橋南北向皆素冠服腰經俟冊寶輿將至皆跪冊
寶輿過畢輿皆隨至思善門外序立于北向皇帝降輅

隆慶初內官導引至乾清門外降輅冊寶輿由中門入至几筵殿丹陛上

導引官導皇帝繇左門入內贊唱執事官各司其事導

引官導皇帝就丹陛上拜位捧冊寶官捧冊寶繇左門

入隆慶初繇殿中門入至几筵前分左右立北向導引官奏四拜

後內贊奏皇太孫親王皇孫陪拜丹陛上百官陪拜思善門

外內贊及鴻臚寺官同時傳贊四拜畢導引官導皇帝
繇殿左門入詣几筵前奏跪內贊及鴻臚寺官傳贊皇
太孫以下及百官跪奏進冊捧冊官跪進冊于皇帝左
皇帝受冊獻畢授捧冊官置於案奏進寶捧寶官跪進
如前儀奏宣冊宣冊官跪宣而于皇帝左畢奏宣寶如
宣冊畢奏俯伏興平身四拜

傳贊百官同

奏復位導引官導

皇帝繇殿左門出就拜位奏四拜

隆慶初接行祭禮省就位四拜奏初

獻禮奏跪獻酒

隆慶初初獻有獻帛

贊讀祝讀祝官讀畢亞獻終

金史卷一百一十三
獻禮拜傳贊並同

隆慶初終獻後有奏俯伏興平身奏復位導引出殿左門就拜位奏四拜

導引官導皇帝繇殿左門入詣神位前捧冊寶授內侍

官捧入導引導皇帝入內奉安訖奏叩頭畢導引官導

皇帝繇左門出至丹陛上奏禮畢

傳贊同

導引官導皇帝

還宮

隆慶元年進呈尊諡議文儀

先是勅諭文武羣臣議上尊諡至期前一日鴻臚寺官

于宣治門設諡議文案是日早上具衰服

隆慶六年上具素翼善冠

麻布袍
腰經

御宣治門捧謚議官立於階之東文武百官各

具素冠服

隆慶六年百官黑紗帽黑角帶皂靴

詣丹墀贊行四拜禮興禮

部官出前跪奏進尊謚議文奏畢復位序班二員引班

首官稍進前捧謚議官以文授班首官班首官受謚議

文繇中道進將至御前序班贊進尊謚議文上起至謚

議文案之北班首官進謚議文置於案贊跪百官皆跪

上覽畢召翰林院官趨至前跪上以謚議文授翰林院

官命撰謚冊文翰林院官受訖捧從中道出上復坐贊

俯伏興班首官與百官俯伏興班首官復位贊行四拜
禮畢序班徹案上還

隆慶元年尊諡頒詔儀

先期鴻臚寺設詔案於皇極殿內東錦衣衛設傘蓋於
皇極殿前至日早各官具已素服烏紗帽黑角帶於承
天門外伺候上御中極殿具黑翼善冠白素袍黑犀帶
執事官先行五拜三叩頭禮鴻臚寺官奏請陞殿導駕
官導上御皇極殿鳴鞭訖序班舉詔案於殿中翰林院

官捧詔立於左鳴贊唱頌詔翰林院官以詔授禮部官
禮部官受詔置於案序班舉案繇殿左門出錦衣衛用
傘蓋迎至承天門上百官入班鳴贊唱四拜稱有制唱
跪開讀訖再唱行四拜禮鴻臚寺官傳奏禮畢百官退
詔書迎至禮部授使者頒行天下

永樂二十二年發引儀

發引前三日行奏告禮百官預齋戒三日

隆慶初太常寺先六日奏

齋戒京城內外禁屠宰音樂勅命大臣一員護喪行禮勅把總內官勅入皇堂內官內使遣官以喪

期告天地宗廟社稷祭品行禮如常儀皇帝衰服告几
筵禮如啟奠皇太子親王以下皆衰服隨班行禮是日
後百官衰服朝一臨至發引日止京師內外禁樂至祔
祭日止禁屠宰至葬畢日止發引前一日遣官祭金水
橋午門端門承天門大明門德勝門并橋清河橋沙河
京都應祀神祇并經過去處應祀神祠隆慶初增祭乾
清宮門隆宗門
思善門并橋歸極門御橋玉河橋沙河安濟橋朝宗橋
其應祀神祇闕王廟天將廟靈濟宮城隍廟東嶽廟真
武廟內門橋俱內官行禮玉河橋以下俱是夕設辭奠
太常寺官行禮祭用酒果餚饌香燭祝文

隆慶初改辭
靈禮如啟奠

皇帝后妃皇太子親王以下皆衰服以序

致祭司禮監禮部錦衣衛官提督執事者設大昇輿於

午門外依圖式陳葬儀於午門外并大明門外發引日

設啟奠內侍陳設醴饌拜位如常儀內導引官導皇帝

衰服詣拜位皇太子親王以下各就拜位贊禮贊四拜

奠帛獻酒讀祝四拜舉哀興哀止望瘞禮畢

隆慶初改望瘞
為焚帛祝文

以後祖奠遣奠至陵安
神遷奠享禮禮俱同

內導引官導皇帝詣几筵殿內

稍東西向立皇太子親王以下丹陛上稍東西向立執

事者陞徹帷幕等物拂拭梓宮畢內侍徹啟奠內執事官進龍輜於几筵殿下設真亭神帛輿謚冊寶輿於丹陛上設祖奠如啟奠儀畢內導引官導皇帝詣梓宮前稍東西向立導皇太子繇殿左門入立於皇帝之南稍東西向親王以下俱於丹陛上稍東西向內侍於梓宮前跪奏請靈駕進發內侍捧謚冊寶次捧神帛繇殿中門出各置輿內次捧銘旌繇中門出執事官陞捧梓宮內執事持翼左右蔽梓宮降殿內侍官於梓宮前跪奏

請梓宮陞龍輜執事官奉登龍輜訖以綵帷飾梓宮執
翬仍立左右內侍擎繖扇侍衛如儀列舊所御儀仗于
前謚冊寶輿神帛輿真亭銘旌以次而行內導引官導

皇帝繇殿左門出后妃皇太子親王及宮眷後隨

后妃
宮眷

哭於
帷中至午門內設遣奠如祖奠儀內侍於梓宮前跪奏

請靈駕進發司禮監官率儀衛謚冊寶輿等前行皇帝

后妃皇太子親王以下皆哭盡哀內侍于皇帝前跪奏

請還宮內侍導引皇帝還宮后妃以下皆還宮

隆慶初
皇子同

還執事官昇梓宮繇中門出至午門外禮官跪奏請梓

宮陞大昇輿執事官奉梓宮陞輿訖

隆慶初即午門內侍官跪奏請梓

宮陞大昇輿安置訖始行遣奠儀

禮官跪奏請靈駕進發司禮監禮部

錦衣衛整視葬儀以次前行皇太子親王以下哭送

天順

八年弘治十八年俱親王護送行禮隆慶初遣駙馬都尉沿途至陵往返俱遣官行禮

靈駕出至

端門外行辭祖禮

後改為朝祖

執事官預設褥位於太廟中

香案前

太常寺設香燭

梓宮至端門外禮官跪奏請辭祖導引

官導皇太子易常服詣神帛輿前跪禮官奉神帛授皇

太子皇太子捧神帛繇廟街左門入

隆慶初梓宮至端門外少駐導引官

導遣官易淺淡色服詣神帛興前跪太常寺官跪於遣官之左奏請世宗肅皇帝廟祖太常寺官與遣官俯伏

興詣興捧神帛繇廟街左門入

至太廟褥位跪置神帛于褥興皇太子

正立于神帛後贊禮贊跪皇太子跪禮官跪於皇太子

之左奏太宗文皇帝謁辭禮官興贊禮贊俯伏興皇太

子俯伏興贊五拜三叩頭禮畢皇太子跪捧神帛興仍

繇廟左門出至興前以神帛授禮官禮官跪受神帛安

奉輿中訖

隆慶初遣官自奉安訖太常寺官跪奏請靈駕進發

跪奏請靈駕進發

皇太子仍喪服

遣官易喪服

及親王以下隨行梓宮繇承天

門大明門中出皇太子親王以下俱繇左門出步送至

德勝門外騎送至陵

隆慶初遣官及各衙門分定送葬官俱步送至德勝門外騎送至天

壽山紅門外仍步送至陵是日俱免辭還仍朝見

在途并至陵俱朝夕奠哭臨

諸王皇親駙馬公侯伯及文武百官軍民耆老四品以

上命婦以序沿途設次致祭皇親命婦及文武百官三

品以上命婦共祭一壇於順天府前公侯伯及文武官

員耆老人等共祭一壇於土城外禪師僧道共祭一壇

於清河皇親及駙馬共祭一壇於沙河祭畢文武官不
係山陵執事及分送者并命婦耆老悉還大昇輿行沿
途每程預設校尉舁送選委內官同錦衣衛官專一提
督務在起止有節行步安徐沿途宿頓之處預先搭蓋
席殿仍量搭席房以貯儀仗等物至陵執事官先陳龍
輜於獻門外候大昇輿至禮官詣大昇輿前跪奏請靈
駕降輿升龍輜詣獻殿執事官奉梓宮陞龍輜繇中門
入皇太子親王俱繇左門入

遣官亦繇
左門入

詣獻殿安奉訖

謚冊寶等輿仍陳於前安行神禮執事官陳醴饌如常
儀設皇太子拜位於梓宮前內侍導皇太子詣拜位贊
四拜興贊跪奠酒讀祝俯伏興贊四拜舉哀興哀止贊
禮畢親王以下陪拜如常儀百官俱于獻殿前鴻臚寺
官傳贊同遣官祀后土并天壽山各陳設酒饌贊再拜
興酌酒讀祝再拜興禮畢

洪熙以後俱同日別遣官祭各陵儀同前但前后各四拜

俟掩玄宮時至設遷奠執事官陳醴饌如常儀設皇太
子拜位于梓宮前內侍導皇太子詣拜位贊四拜興贊

跪奠帛奠酒讀祝訖俯伏興贊四拜舉哀興哀止望瘞
親王以下陪拜如常儀百官俱于獻殿前鴻臚官傳贊
同退將掩玄宮內侍導皇太子親王以下詣梓宮前跪
內侍跪奏請靈駕赴玄宮俯伏興執事官陞奉還梓宮
入皇堂奉安訖內侍捧謚冊寶置於前陳列冥器等畢
行贈禮內侍官仍設靈座于獻殿上候安神主執事官
陳醴饌于皇堂門外奉玉帛安置于香案前設皇太子
拜位于前內侍導皇太子詣拜位贊四拜興贊跪贊奠

酒贊進贈執事官捧玉帛跪進于皇太子之後皇太子受玉帛獻畢以授內執事捧入皇堂安置訖贊俯伏興皇太子俯伏興贊四拜舉哀興哀止贊贈事畢內侍出遂掩玄宮掩畢行享禮于玄宮前如遷奠儀遣祀后土及祭天壽山

後稱告謝

掩玄宮將畢內侍設香案于玄宮門

外陳醴饌如儀設題主案於香案前西向設皇太子拜位於前北向內侍盥手出主于案上題主官盥手西向題主畢內侍奉主置於神座藏神帛于箱中置其後內

侍跪奏請太宗文皇帝神靈上神主

隆慶初全具尊號

奏訖贊

四拜興贊跪獻酒讀祝俯伏興贊四拜舉哀興哀止

祝焚

文內侍啟櫝受主訖跪奏請神主降座陞興奉神主陞

靈輿至獻殿上內侍跪奏請神主降輿陞座奉神主即

座訖

隆慶初神主即座訖先行安神禮如前儀將回京別遣官以葬畢告各陵

遂行初虞禮

執事官陳醴饌于神主前設皇太子拜位于香案前內

侍引皇太子就拜位贊四拜興贊行初獻禮跪贊皇太

子跪奠帛奠酒讀祝畢俯伏興亞獻終獻贊四拜舉哀

興哀止望瘞禮畢內侍捧神帛箱埋于殿前屏處潔地
焚凶器于野葬日初虞柔日再虞剛日三虞後間日一

虞至九虞止在途皇太子行禮還京皇帝親行禮

隆慶初自

初虞至七虞在途八虞在城外俱護喪官行禮九虞還京上親行禮

神主啟行將還內侍

于神主前跪奏請神主降座升輿還京奏訖俯伏興于

靈座上奉神主升靈輿進行儀仗侍衛如儀皇太子後

隨在途仍朝夕奠神主還京先於城外置幄次錦衣衛

備儀衛教坊司備鼓吹不作百官衰服奉候城外神主

至入幄次百官序列于前行五拜三叩頭禮畢候神主
進行百官後從至午門外儀衛等退導引官導皇帝哀

服奉迎于午門內神主至舉哀步導

隆慶初世廟妃皇
后皇子王妃公主

及宮眷等俱迎神主于
宮門內舉哀以次後隨

神主陞几筵殿內皇帝立于殿

上稍東西向侍于靈輿前跪奏請神主降輿陞座奏訖

捧神主安奉於靈座訖

隆慶初
上親捧

行安神主禮執事官陳

設如常儀內導引官導皇帝詣拜位奏四拜興奏跪奠

酒讀祝俯伏跪奏四拜舉哀興哀止

焚祝
文

奏禮畢皇太

子親王以下陪拜如常儀百官于思善門外隨班行禮

傳唱如儀

隆慶初安神畢世廟妃皇后皇子以下以次如拜位舉哀各行謁見四拜禮

明日

百官行奉慰禮

隆慶初無

虞祭內侍陳醴饌拜位于几筵前

如常祭儀內導引官導皇帝哀服詣拜位皇太子親王

以下哀服各就拜位行四拜禮初獻奠帛獻酒讀祝亞

獻終獻贊四拜舉哀興哀止望瘞禮畢卒哭用虞祭後

剛日禮同虞祭自是罷朝夕奠至卒哭之明日奉神主

祔享于太廟

儀具升祔下

祭畢太常卿于神主前跪奏請太

宗文皇帝神主還几筵奏訖導引官導皇帝捧神主由廟
左門出至門外安奉于御輦儀衛繖扇導從如來儀皇帝
陞輅後隨至午門外儀衛止皇帝至思善門降輅釋祭
服易哀服隨御輦至几筵殿前內侍于輦前跪奏請神
主降輦陞座內侍奉神主升座訖內導引官導皇帝繇
殿左門入行安神禮如前儀禮畢皇帝釋服還宮明日
百官素服烏紗帽黑角帶行奉慰禮

凡大喪內朝賀祭祀等禮

洪熙元年仁宗既祔廟上仍素服御西角門視朝遇行時享等禮太常寺奏祭祀其日早朝鳴鐘鼓服黃袍御奉天門視朝祭畢仍如前至禪祭後始釋素服

成化二十三年憲宗喪服既除上仍素翼善冠麻布袍腰經視朝不鳴鐘鼓文武百官素服烏紗帽黑角帶皂靴朝參至百日後始變服如常是年冬至節詔免行賀弘治元年正旦以憲宗服制未及小祥上服黃袍御奉天殿鳴鐘鼓鳴鞭作堂下樂文武官具公服行五拜三

叩頭禮次日至十五日具黑翼善冠淺淡袍服犀帶御
奉天門文武官具常服朝參至禪祭免朝一日遣官詣
陵致祭

正德十六年肅皇帝萬壽聖節以武宗山陵未畢令天
下齋進表文并公侯駙馬伯儀賓進賀綵段俱免宣讀
陳設選送司禮監承運庫交收

嘉靖四十五年歲暮大裕隆慶元年孟春時享太廟以
世宗喪禮尚在二十七日之內禮部題准照弘治十八

年例暫遣官行禮樂設而不作免陞殿奏祭祀齋戒之日上于喪次致齋陪祀官俱暫免

隆慶元年正月後世宗喪禮成服畢上始服衰服御宣治門視事百官素冠服腰經行奉慰禮以後朝參並同至二十七日滿上易素翼善冠麻布袍腰經御宣治門視事俱不鳴鐘鼓百官素服烏紗帽黑角帶皂靴朝參辦事二月祭先師孔子及朝日壇歷代帝王以梓宮在殯議准照弘治十八年例免請陞殿及傳制命太常寺

具本奏知仍各遣官行禮樂設而不作致齋之日照天
順八年例上具黃素袍翼善冠百官具淺淡色服朝參
陪祀執事官至期仍各祭服行禮本月祭太社太稷議
准仍請上親祭餘並同例三月世宗祔廟畢次日免朝
百官烏紗帽黑角帶青圓領辦事又次日上具黑翼善
冠黑犀帶淺淡袍服御皇極門百官仍烏紗帽黑角帶
淺淡色服行奉慰禮以後俱皇極門視事鳴鞭鳴鐘鼓
如累朝例是年孟夏時享太廟以世宗神主尚在几筵

照正德元年例先一日上具常服祭告几筵祇請詣廟
享祀以後遇太廟時享祫祭大祥內皆如之其鴻臚寺
奏請陞殿太常寺奏致齋及祭畢聖駕回宮俱樂設而
不作

禮部志稿卷三十一